

350

2104

2-12

1897

1000

2010

ՀՕՐԴ ՀՐԱՄԱԿՈՒԹՅՈՒՆ
ԴԱՒԹԵԱՆ ԳՈՐԾԱԿԱԼՈՒԹԵԱՆ

ՀԱՄԱՌՕՏ

(236)

ԿՐՈՆ ԱԳԻՏՈՒԹԻՒՆ



معارف نظارات جليله سنك في ١ ذى القعده سنه ٣١٤
وفي ٢٢ مارت سنه ٣١٢ تاریخلو و ٤٠ نومرسولي رخ
مهسيله و سمپاد داوديان معروفيه طبع او لمش

220
35-24

Կ. ՊՈՂԻՄ
ՏՊԱԳՐ. ԽԵԱՆ Կ. ՊԵՐՊԵՐԵԱՆ

1897

2(075)
2 - 12

11655

ԱՀ


220.
585-ՀԿ

2(025)

3-19

ԵՐԿՈՒ ԽՕՍՔ

Մ



Նկատելով որ ազգային վարժարաններու մէջ կրօնի ուսումը ցարդ աստուածային ստորոգելիքներու և կարգ մը վարդապետութեանց նկարագրութիւնն է . նկատելով որ այդ անխաղաց ոգիով բարոյականի ամուր խարիսխներն հիմ չեն գտներ յաւէտ աշակերտի սրտին ու հոգւոյն մէջ . և մանաւանդ բոլորովին նորութիւն մը մտցնելու խորհրդով՝ պատրաստեցի սոյն համառօտ դասագիրքն (միջին դասընթացքներու համար) , մինչ կը պաշտօնավարէի նիկոմիդոյ Ազգ . վարժարանին մէջ :

Աւելորդ չեմ համարիր ըսել կրօնի Պատ . Ուսուցիչներուն թէ՝ նպատակայարմար կ'ըլլայ, ներկայ ուղղութեամբ դասախոսութեանց ամբողջ ժամուն, համընթաց ընել Աւետարանի ընթերցումը դասին վերաբերմամբ . (օր. Զատկի դասը երբ կ'աւանդուի՝ աւուր պատշաճի աւետարաններ կարգացուելու են, նմանապէս և ուրիշներ) : Ա. յապէս, օվարբերաբար, Աւետարանի հատուածներ — բան մը որ շատ քիչ կը տեսնուի — կը կարծեմ թէ միշտ թարմ պիտի պահեն աշակերտի մտքին մէջ առողջ և մաքուր բարոյականի ոգին, զերծ՝ մի և նոյն ժամանակ՝ կոյր և սնոտի նախապաշարումներէ . վասն զի կը հաւատանք իսկ թէ՝ «Աւետարանն Ասուծի մարդոց Տրուած պարզեւներու գեղեցկագոյնն է» :

Ու պիտի փափաքէի , — ուրիշ նորութիւն մ'ալ , —
որ մեր Շարականներու կարեւորներն և շարունակ գոր-
ծածականներն իրենց գրուածքին տեսակէտով վեր-
լուծել տայինք աշակերտներուն . այնպիսիներն , այո՛ ,
որոնք — իրենց վեհութ եամբ նուիրական — իմաստ
և գաղափար կը պարունակեն իրաւամբ :

Եւ դնելով ասիկայ ալ դպրոցական դասագրքերու
շարքին մէջ՝ իր գուզնաքեայ ծառայութիւն մը՝ կը
յուսամ հաշտ աչօք կը նային կրօնի պատուարժան
Դասախոսները :

1897 , Յունիս 1

Ա . ՀԱԲԵԼԵԱՆ



Ներկայ դասագիրքս կրնայ տրուիլ այն ուսանող-
ներուն , որոնք աւարտած են « Տարրական Ընթացք
կրօնի Ուսուման » անուն գիրքը :

Հ Ա Մ Ա Ռ Օ Տ

ԿՐՈՆ ԱԳԻՏՈՒԹԻՒՆ



ԵԿԵՂԵՑԻՒՆ ԳԼԽԱԿՈՐ ՏՕՆԵՐԸ

ՏԱՂԱԿԻ ԱՐՆԵՔ

Ծնունդ Յիսուսի Քրիստոսի

Գաբրիէլ հրեշտակն Աստուծոյ՝ արդէն աւե-
տած էր Սուրբ Կոյս Մարիամին թէ Քրիստոսը
պիտի ծնանէր ,

Արդ՝ Հռովմայեցի 0գոստոս կայսրին իշխանու-
թեան ժամանակ , Մարիամ և իր այրը Յովսէփ ,
երբ Բեթհեղէմ կ'երթալին , իրենց անունները
նշանակել տալու , հոն՝ աշխարհի Փրկիչը՝ մար-
դարէներուն գուշակութեան համեմատ , ծնաւ
խոնարհութեամբ , մնութի մը մէջ ,

Փրկիչին ծնունդը հասարակաց հաշուով տեղի
ունեցաւ աշխարհի արարչութեան 4000 թուա-

կանին : — Հրեշտակներ « Փա՛ռք ի բարձունս » երգելով՝ Աստուծոյ ծնունդը առաջին անգամ յայտնեցին հովհանքուն, որ եկան երկրպագել անոր : Նոյնպէս մոդեր, առաջնորդութեամբ նորատեսիլ մի աստղի, եկան երկրպագելու մարդացեալ Աստուծոյն, մատուցանելով ընծաներ՝ ոսկի, կնդրուկ և զմուռու :

Մկրտութիւն Յիսուսի

Երեսուն տարեկան էր Յիսուս Քրիստոս երբ գնաց Յովհաննէս Մկրտչէն մկրտուիլ Յորդանան գետին մէջ : Ինք ամենեւին մեղք չունէր, սակայն մարդոց մեղքերն իր վրայ բարձեր էր : Յովհաննէս՝ երբ տեսաւ իր առջեւ կանգնած Քրիստոս, զարհուրեցաւ և ըսաւ . « Պէտք է որ ես քեզմէ մկրտուիմ, և դուն ինծի՞ կուգաս » : Բայց Քրիստոս պատասխանեց Յովհաննէսին . « Այո՛, պէտք է որ օրէնքն ու արդարութիւնը ի գործ դնեմ » ,

Քրիստոսի Յորդանան գետ իջած պահուն, երկինք բացուեցաւ, Ս . Հոգին Անոր վրայ հանգչեցաւ աղաւնիի նմանութեամբ և հայրական ձայնը երկինքին վկայեց թէ . « Դա՛ է որդի իմ սիրելի, ընդ որ ես հաճեցայ, դմա լուարուք » : Քրիստոս երբ մկրտուեցաւ, անապատ քաշուե-

ցաւ . Հոն քառասնօրեայ պահեցողութիւնը կատարելէ ու փորձիչ սատանային յաղթելէ յետոյ, սկսաւ իւր աստուածային քարոզութիւններուն : (Մտթ . Գլ . Դ . 1-12) :

Յիսուսի Ծննդինը և Մկրտութիւնը (Աստուածայայտնութիւնը) մէկ տեղ կը կատարէ Հայոց Ս . Եկեղեցին, ամեն տարի Յունուար ամսոյ 6ին, Ս . Հայրապետներու կանոնադրութեան համեմատ . իսկ ութ օր վերջը՝ անփոփոխ՝ Անուանակոչութեան տօնը :

Ծննդեան տօնին երգուած շարականները կը թնդացնեն Ս . Եկեղեցիին կամարներն, և ի՞նչ իմաստալից շարական է « Խորհուրդ մեծը », մըկըրտութեան ատեն երգուած Զրօրհնէքի անուշ տաղերը, որոնք ամենն ալ գովութիւն և փառաբանութիւն են մանուկ Աստուծոյն :

Հայոց Ս . Եկեղեցին այսպիսի հոգեւոր ուրախութեանց մէջ չի մոռնար նաև ննջեցեալները, ուստի, իւրաքանչիւր Տաղաւարի երկրորդ օրն՝ յիշատակ է ընդհանուր մեռելներու և անոնց համար յատուկ հոգեհանգիստի աղօթք ու շարականներ կը կարդացուին այն օրը :



Զատիկ կամ Յարութիւն

Տէր Յիսուսի մարմինը խաչին վրայէն ի գերեզման դրուեցաւ երեկոյեան դէմ, ուրբաթ օր։ Հոգին բաժնուելով մարմինէն՝ իջաւ երկրիս ստորին տեղերը, միմիթարելու համար արդարներուն հոգիները։

Միաշաբաթի առաւօտուն կանուխ մեծ շարժում մը եղաւ։ Հրեշտակներ իջնելով երկինքէն՝ ի բաց թաւալեցուցին գերեզմանին վէմն և նըստան վրան։ Պահապանները զարհուրեցան և փութացին պատմել իշխաններուն, Յիսուս ելաւ գերեզմանէն փառաւորեալ մարմնով։ Զայդ չգիտնալով՝ շատ կանուխ, Մարիամ Մագդաղենացի և ուրիշ բարեպաշտ կիներ եկած էին օծել և խնկել տէրունական մարմինը։ Հո՞ն տեսան միայն լուսապայծառ հրեշտակն, որ կ'աւետէր Յիսուսի Յարութիւնը։

Երբ կիները զուարճախառն երկիւղով դարձան և պատմեցին Պետրոսի և Յովհաննէսի, անոնք գերեզման երթալ փութացին, սակայն պատգամ ընդունելով հրեշտակէն որ երթան գալիլիա և հոն տեսնեն Տէրը՝ ետ դարձան։ Իսկ Մագդաղենացին Մարիամ մինակ մնաց հոն։ և որովւետեւ արցունք կը թափէր և եռանդագին սէր ունէր, ուստի և արժանի եղաւ առաջին անդամ

տեմնելու յարուցեալ Քրիստոսը, բայց չկրցաւ մօտենալ Անոր։

Ընդհանուր քրիստոնեաներուն Զատիկը Քրիստոսի յարութիւն առած միաշաբաթ օրն (առաւօտն) է, զոր յետոյ Առաքեալները կիրակի անունով նուիրագործեցին, և փոխանակ հրէական շաբաթ օրուան, որոցեցին այդ օրը սուրբ պահէել ի պատիւ և իյիշատակ յարութեան Քըրիստոսի։ Զատիկը կը կոչուի նաեւ Պատէք կամ Փէսախ, որ կը նշանակէ անցք, ելք։ յիշատակ է Հրեաներուն Եգիպտոսէ ելլելուն։

Այս Զատիկի տօնը մեծ հանդիսաւորութեամբ կը կատարէ Հայ Եկեղեցին, Յիսուսի չարչարանաց, խաչելութեան, թաղման և յարութեան բոլոր Աւետուրանները կը կարդացուին ի լուր Ժողովրեան։ Մեր երանաշնորհ Հայրապետներուն յատուկ այս տօնին համար գրած օրհնութիւններն ու շարականներն սքանչելի են թէ՛ իրենց իմաստին և թէ՛ եղանակին կողմանէ։

Ճաշու շարականը « Յարեաւ Քրիստոս »ը ի՞նչ սրտայոյզ եղանակ ունի։

Ալլակերպութիւն

Կարդանք Մատթէոսի Աւետարանին Ժէ՛ գըլուխը. « Եւ վեց օրէն ետեւ Յիսուս իրեն հետ առաւ Պետրոսն ու Յակոբոսը և անոր Եղբայրն

Յովհաննէսը, և զանոնք բարձր լեռ մը հանեց առանձինն, և անոնց առջեւ այլակերպեցաւ եւ Անոր երեսը փայլեցաւ արեգակի նման, և հանդերձները լոյսի պէս սպիտակ եղան։ Եւ ահա երեւցան անոնց Մովսէս և Եղիա, և կը խօսէին Անոր հետ։ Պատախան տուաւ Պետրոս և ըստ Յիսուսի. « Տէ՛ր, աղէկ է որ հոս կենանք, եթէ կամի՞ երեք տաղաւար շինենք հոս, մին Քեզ, մին Մովսէսի և մին Եղիայի։ »

Եւ մինչ ան կը խօսէր, ահա՝ լուսաւոր ամպ մը անոնց վրայ հովանի եղաւ և ամպէն ձայն եկաւ ըսելով. « Այդ է իմ սիրելի Որդիս, որուն հաճած եմ. ատոր մտիկ ըրէք։ »։ Աշակերտները երբ լսեցին, ինկան երեսի վրայ և շա՛տ վախցան։ Եւ Յիսուս մօտենալով դպաւ անոնց եւ ըստ. « Ելէ՛ք եւ մի՛ վախնաք։ » Վերցուցին իրենց աչքերն եւ ո՛չ զոք տեսան. բայց միայն Յիսուս։ Եւ երբ այն լեռնէն վար կ'իջնէին, Յիսուս պատուիրեց անոնց ու ըստ. « Այդ տեսիլը մարդու մի՛ ըսէք, մինչեւ Մարդու Որդին մեռելներէն յարութիւն առնէ։ »

Քրիստոսէն շատ տարիներ առաջ, երբ ուրիշ ազգերու պէս Հայերն ալ կուապաշտութեան խաւարին մէջ էին, տարին մէկ անգամ, Նաւասարդ ամսու առաջին օրը՝ մեհեաններու մէջ աղաւնի կը թոցունէին և իրարու վրայ ջուր սրսկելով վարդեր կը ցանէին ի յիշատակ ջրհեղեղին եւ ի պատիւ Անահիտ կոչուած չաստուածուհին,

Մեր հոգիներուն լուսատու Ս. Հայրը Գրիգոր, ինչպէս ամեն հին սովորութիւնները, նոյնպէս այս հեթանոսական տօնը ջնջեց և անոր տեղ հաստատեց այս պայծառակերպութեան յիշատակութիւնը՝ որ կը կոչուի Վարդավառ։

Վարդավառի շարականն է. « Որ ի լերինն այլակերպեալ » և ուրիշներ. իսկ Ս. Պատարագի ձաշուին շարականն է « Ուրախացի՛ր, պսակ կուսից », որուն մէջ կը գովաբանուի Ս. Կոյսն իր որդիին սքանչելիքներուն համար։

Վերափոխում Ս. Աստուածածնի

Ս. Կոյս Աստուածածինը, Քրիստոսի համբարձումէն վերջ, Առաքեալներուն եւ իւղաբեր կիներուն հետ կը կենակցէր բարեպաշտութեամբ, միշտ իր քովնունենալով, իրը որդի, Յիսուսի սիրելի աշակերտն Յովհաննէս։

Վաթուուն տարիներէ աւելի ապրեցաւ և ապա վախճանեցաւ։ Աշակերտներն ու հաւատաւոր կիներ անուշահոտ խունկերով ու մոմերով և մեծավայելուչ հանդէսով տարին թաղել գերեզմանի մէջ։

Աւանդութիւնը կ'ըսէ թէ առաքելներէ մին, Բարթուղիմէսս, բացակայ ըլլալով՝ երբ եկաւ,

փափագեցաւ. վերջին անգամ տեսնել Տիրամայրը։
Ուստի բանալ տուաւ. գերեզմանն, բայց չը գտաւ
հոն տենչալի մայրը. — Հանդերձները մէկ կողմ
ծրարուած էին, եւ եկած էր Քրիստոս հրեշտակ-
ներով մէկտեղ վերափոխել իր Մայրը երկինք
որպէս զի հոն վայելէ ամեն կրած նեղութիւն-
ներուն ու ցաւերուն վերջնական հանդիստը։

Եւ թէպէտ Տիրամայրը գացած էր երկինք,
տախտակի վրայ տպաւորուած գտան հրաշքով
անոր պատկերը։ — Ուրիշ աւանդութիւն մը,
նոյնպէս Յայսմաւուրը կըսեն թէ՝ Յովհաննէս
աւետարանիչի քրով կը գտնուէր Ս. Կոյսին պատ-
կերը՝ կիպարիս փայտի վրայ նկարուած, զոր
Բարթուղիմէսու առնելով գնաց զանազան կողմեր
և ի Հայս՝ անով հրաշքներ գործեց, շինեց եկե-
ղեցիներ, ինչպէս նաև փառաւոր վանք մը Հոդ-
եաց անուն, ուր գրաւ Ս. Աստուածածնի պատ-
կերը։

Այս Վերափոխման տօնը հանդիսաւորապէս կը
կատարէ մեր Ս. Եկեղեցին. « Այսօր ժողովեալ
սրբոց » և « Անժառամ ծաղիկ » շարականնե-
րը կ'երգուին այս տօնին։

Խաչվերաց

Քրիստոսի 50 թուականին, հռովմայեցի Կը-
ղոդիս կայսրին կինը Պատրոնիկէ, հաւատացեալ
ըլլալով՝ Երուսաղէմ կուգայ և իմանալով որ Խա-
չն աղբիւներունմէջ ձգուած մնացած է, կը հը-
րամալէ մեծ հանդէսով զայն կանգնել Գողգո-
թայի վրայ։

Երուսաղէմի առաջին եպիսկոպոս Յակոբոս
Տեառն-Եղբայր կոչուած առաքեալը, զայն կը
վերցնէ և կ'օրհնէ աշխարհի չորս կողմերն, գոչե-
լով. « Խաչի քո, Քրիստոս, Երկիրպագաննեմք »։
Այս սրտառուչ աղօթքը մեր Ս. Սահակ Հայրա-
պետն ընդարձակելով՝ կը հրամայէ երգել, եւ
Հայոց Ս. Եկեղեցին Աւագ Ուրբաթ, Աւագ Շա-
բաթ, Զատկին և այս Խաչվերացի տօնին կ'եր-
գէ զմայլելի եղանակով։

Խաչի վրայ շատ ներբողներ կ'ոն գրուած
մեր Շաբակինոցին մէջ։ Այս Խաչվերացի տօնին
կը կարդան Յիսուսի խաչելութեան վրայ խօսող
Աւետարաններն և ի գովեստ խաչին գրուած շատ
մը շարականներ։ — « Որ զանարատ բազուկս
քո » եւ անոր կարգէն եղող շարականներ կը
բարեբանեն Յիսուսի անհուն մարդասիրութիւնը
և Խաչին Քրիկագործութիւնը։

ՏԵՐՈՒԹՅՈՒՆ ՏՕՆԵՐ

Ս. Կոյս Աստուածածին

Հրէաստանի Նազարէթ քաղաքին մէջ կը բը-
նակէին ընտանիք մը , Յովակիմ և Աննա անուն։
Աստուած այս ընտանիքը միխթարելու համար
պարգեւեց զաւակ մը , որուն անունն էր Մա-
րիամ։ Այս առաքինի ծնողքը՝ երբ իրենց աղջիկն
երեք տարեկան եղաւ՝ Տիրոջը տաճարին նուի-
րեցին , հաւատացեալ հրէաներու սովորութեան
համեմատ։ Անկէ վերջ այս կոյսը մեծցաւ եւ զօ-
րացաւ Ս. Հոգիին շնորհովը։

Յովհաննէս Մկրտչին աւետաւոր ծնունդէն վեց
ամիս վերջը , նոյն ինքն Գաբրիէլ հրեշտակն Աս-
տուծոյ՝ Խրկուեցաւ Ս. Կոյս Մարիամին , որ Գաւ-
թի սերունդէն էր և նոյն ազդատոհմէն Յովսէփ
անուն արդար մարդու մը նշանուած։ Գաբրիէլ
Աստուծոյ կողմանէ իմացուց Մարիամին թէ՝ պի-
տի ծնանի որդի մը , որուն անունը պիտի կոչուի ,
կ'ըսէ , Յիսուսնա մեծ պիտի ըլլայ և Բարձրեա-
լին որդի պիտի կոչուի . Տիրոջմէն պիտի ընդու-
նի իր հօրը Դաւիթի աթոռը , և պիտի թագաւորէ
յաւիտեան Յակոբին տանը վրայ։ Մարիամ հնա-

զանդեցաւ պատգամին , որ երկինքէն խրկուած
էր։

Հայոց եկեղեցին արժանավայել կերպով կը
կատարէ Ս. Կոյսին տօները , որոնք անշարժ տօներ
են . Աւետումը՝ Ապրիլ 7. Ծնունդը՝ Սեպտ 8.
ի Տաճարն Ընծայումը՝ Նոյեմբեր 21. և Յղու-
թիւն Աննայէն՝ Դեկտեմբեր 9⁽¹⁾։

Աղօթքներու և մաղթանքներու մէջ զանիկայ
բարեխօս կը բռնենք։

Մեր Հայրապետներ « Մեծացուսցէ » ներով
և ուրիշ գողարիկ շարականներով գոված ու եր-
գած են Ս. Կոյսին փառքն ու մեծութիւնը։

Տեառնընդառաջ

Յիսուս Քրիստոս երբ քառասուն օրուան եղաւ ,
իր մայրն Մարիամ , Յովսէփին հետ , Հրեաներու
սովորութեան համեմատ տարաւ զանիկայ Տա-
ճարը , եւ որովհետեւ աղքատիկ ընտանիք էին ,
չունէին մեծագին նուերներ , ուստի իրենց հետ
առին երկու տարակներ։

Հոն , Սիմէոն անուն ծերունին , որ Աստուծմէ
հրաման առած էր Փրկիչը տեսնելէ վերջ մեռ-

[1] Ա. յս տօներէն զատ , Եկեղեցին նմանապէս կը կատարէ
գիւտ Գօտուց և Գիւտ Տիոյ Ս. Աստուածածնի » տօները։

նիւ, գիրկն առաւ թիսուս մանուկը՝ օրհնեց եւ ըսաւ։ «Ահա՝ աչքս տեսաւ Փրկիչն՝ հեթանոսներուն լոյսը, ասկէ վերջը թո՛ղ մեռնիմ»։ Ս. Կոյս Մարիամին ալ ըսաւ, «Ահա՝ այս (թիսուս) իսրայէլի մէջ հակառակութեան նշան ըլլալով՝ շատերուն կորառելուն և շատերուն ալ ապրելուն պատճառ պիտի ըլլայ։ Եւ քու անձէդ սուր պիտի անցնի, որպէս զի բազում սրտերու խորհուրդները յայտնուին»։ (Ղուկ. Գլ. Բ. 34—35)։

Հոն էր նաև Աննա անունով որբեւայրի Մարգարէ կինը, որ չնորհակալ եղաւ Աստուծոյ՝ Մեսիան, աշխարհի փրկիչը, տեսնելուն համար։

Տեառնընդառաջի տօնը կը կատարէ մեր Հայոց Եկեղեցին՝ Ս. Ծնունդէն քառասուն օր վերջը, այսինքն Փետրուար ամսոյ 14ին՝ անփոփոխ։ Տեառնընդառաջ կը նշանակէ՝ Տիրոջ առջեւ ելլել վառուած մոմերով և անուշահոտ խունկերով։

Երբ արարողութիւններն աւարտին, բարեպաշտ ժողովուրդներ՝ մոմ ի ձեռին կ'երթան իրենց տան ճրագները վառել։ Կանուխէն, կ'երեւի թէ. Եկեղեցին մէջ կը վառէին կրակ, բայց արդեւուեր է. Տօնացոյցը կը գրէ. «Կրակի բոլորտիքը դառնալ արհամարհելի բան է, վասն զի տգէտ մարդիկներ մացուցած են զայն»։

Առաջ, երբ Հայերը կուապաշտ էին, բաց տեղեր ահագին կրակներ կը վառէին ի պատիւ իրենց չաստուածներուն, և երիտասարդներն մէկ կողմ ու օրիորդները միւս կողմ պար բռնած՝ կը

խաղային և կը ցատքէին բոցերուն վրայէն։ Հիմայ ալ կայ այդ սովորութիւնը մեր մէջ. — Թաղերու մէջ փսիաթներով և կողովներով հիւսուած կրակներ կը վառեն, որուն ոամիկ ժողովուրդը Տերեսաս անունը կուտայ։ Հայ ժողովուրդը կանխաւ Պարսիկներու պէս կրակ կը պաշտէր միանդամայն. բայց այժմ քրիստոնեայ ժողովուրդն Աստուած կը փառաբանէ լուսավառութեամբ, վասն զի Յիսուս Քրիստոս եղաւ աշխարհի սիրոյ կրակը և ճշմարիտ լոյսը։

Այս Տեառնընդառաջի տօնին երգուած և Մարմնացեալդ ի կուսէն» և ուրիշ շարականներն Յիսուսի Տաճար երթալը, Ծերունիէն ընդունուիլը և համայն աշխարհի տրուած մեծ աւետիսները կը հոչակին։



Յիսուս, երբ կը մօտենայ Բեթփագէ և Բեթանիա գիւղերուն, իր աշակերտներէն երկուքը կը խրկէ, որպէս զի երթան բերեն կապուած աւանակ մը, ըսելով թէ Տէրը անոր պէտք ունի։

Աշակերտները կը կատարեն Յիսուսի հրամանը, հանդերձներ կը դնեն գրաստին վրայ և կը հեծցընեն Յիսուսը ժողովուրդը ցնծութեամբ՝ ո-

մանք իրենց հանդերձները , և ուրիշներ ծառերէ սոտեր կտրելով՝ ճամբռւն վրայ կը սփռէին աղաղակելով . « Ովսաննա որդւոյ Դաւթի , օրհնեալ եկեալդ անուամբ Տեառն » : Այսպիսի հանդէսներով մտաւ Յիսուս Երուսաղէմ , սակայն ի գութշարժելով լացաւ անոր ապագայ կործանումին վըրայ , վասն զի չճանչցաւ Աստուծոյ այցելութեան ժամանակը :

Ամեն եկեղեցիներ կը զարդարուին արմաւենիի և ձիթենիի ձիւղերով և ծաղիկներով , անոր համար այս տօնը կը կոչուի Ծաղկազարդ : Հայրապետներու գրած գեղեցիկ շարականները մեզի կը բացատրեն թէ Քրիստոս հեթանոս ժողովուրդներն ալ հրաւիրեց Աստուծոյ որդեգիր և արքայութեան ժառանգ ըլլալ : Այս տօնին Կ'երդուին « Որ վերօրհնիս » , « Թագաւոր գոլով » « Ուրախ լե՛ր , սուրբ եկեղեցի » շարականները :

Ծաղկազարդի երեկոյին կը կատարուի Դոքիքացիի արարողութիւնը , օրինակ Քրիստոսի միւսանգամ գալստեան և դատաստանի : Ժամերգութենէն վերջ կը սկսի այդ արարողութիւնը : Դըպիրք ապաշխարութեան շարականներ կ'երգեն : Երեց քահանան լաղագին կը խնդրէ Աստուծմէ որ ողորմութեան գուռները բանայ և ընդունի զինքն ու մանուկները , այսինքն ժողովուրդը : Ու երր ներսը գտնուած քահանան՝ Աստուծոյ կողմանէ՝ մեղաւորներու խոստովանութիւնն ու ապաշխարութիւնը կը լսէ , գանոնք կը հրաւիրէ

Ժառանգելու խոստացուած արքայութիւնը : « Եկայք , օրհեալք Հօր իմոյ ըսուելէ վերջը՝ խորանին վարագոյրը կը բացուի և գոհաբանական երգ մը և աւետարան կը կարդացուի , վասն զի արժանի եղան տեսութեան անմահ փեսային Քրիստոսի :

Աւագ Նաբար

Յիսուսի վրկագործութեան ամենամեծ խորհուրդը՝ սիրոյ և բարոյականի վսեմ դասերն՝ այս շաբթու եկեղեցին մէջ կ'աւանդուին . ուստի այս շաբաթը կոչուած է Աւագ , այսինքն Մեծ-Նաբաթ .

Բշ . — Այս երեկոյին Հայոց եկեղեցին Ս . Գրքէն Ծննդոց առաջին գլուխները կը կարդայ ի յիշատակ արարչագործութեան և նախածնողաց մեղանչելուն :

Բշ . — Յիսուս կը մարգարէանայ Տաճարին և Երուսաղէմի կործանումը , և անոնց նկարագիրը կ'ընէ : Վերջին դատաստանի պատկերները մեր աչքին առջեւ կը դնէ . Տանուտէր Մարդու և իմաստուն Կոյսերու առակներով : Այս երեկոյ նոյնակէս Զրհեղեղի . և նոյի տապանէն ելլելուն պատմութիւնը կը կարդացուի :

Բշ . — Քահանայապետներ , ծերեր և դպիր-

ներ կը խորհին Յիսուսը բռնել։ Յուղա՝ տասն-
երկուքէն մին՝ ստակով կը խոստանայ յարմար
առթիւ մատնել զԱյն անոնց ձեռք։ Երեկոյին Ա.
Դիրքը կը խօսի Սոգոմ և Գոմար քաղաքներուն
հրակէզ կործանման և Աբրահամի միջնորդու-
թեան վրայ։

Եշ. — Յիսուսի տնօրինական գործերը կ'ըս-
կլսին։ Ճաշու ժամուն ապաշխարութեան կարդ
կը կատարուի. Սաղմոններէ և գրքերէ վերջ Ա.
Բարսեղ Հայրապետի աղօքը կը կարդացուի եւ
ապաշխարողներուն վրայ ալ Յովհան Ոսկեբերանի
օրհնութեան աղօթքը։ Յիսուս այսօր կը հաս-
տատէ ամենասուրբ Հաղորդութեան խորհուրդը
վերնատան մէջ. կ'օրհնէ հայն, ու կուտայ աշա-
կերտներուն՝ ըսելով. « Առէք, կերէք, այս է
մարմին իմ։ » Բաժակ մը գինի ալ առնելով՝ կը
գոհանայ և կ'ըսէ. « Արքէք ի գմանէ ամենեք-
եան, զի այդ է արիւն իմ նորոյ ուխտի. որ ի վե-
րայ բազմաց հեղանի ի թողութիւն մեղաց։ »
Այս աւետարանի ընթերցումէն վերջը, Հաւատամբ
ատեն, սեղանը՝ որ բոլորովին սպիտակ զարդար-
ուած և գոց է՝ կը բացուի. այնուհետեւ հան-
դիսաւոր պատարագ կը մատուցուի։

Երեկոյին Քրիստոս խոնարհութեան և մար-
դասիրութեան օրինակը կուտայ։ կը նստի իր ա-
շակերտներուն առջև և կը լուայ անոնց ոտքերը,
պատուիրելով որ իրարու նոյնը ընեն։ Ոտնլուայի
կարգը, զոր մեր եկեղեցին կը կատարէ, յօ-

ընած է Ա. Եփրեմ Հայրապետը, և մեր Գրիգոր
Վկայասէր կաթուղիկոսն ալ թարգմանած է, ինչ-
պէս որ կը գրէ Տօնացոյցը։ Այս ատեն կատար-
ուած աղօթքներն ու տաղերը չափէն աւելի յու-
զիչ և զգայուն են իրենց գրուածքով ու եղա-
նակով։ Հինգշաբթի գիշեր կը կոչուի Լացի Գի-
շեր. ողբագին շարականներու ընդմիջումով Ա-
ւետարաններ կը կարդացուին, սեւասքօղ խորա-
նին մոմերը կը մարին, ի նշան Յիսուսի աշա-
կերտներուն ցրուելուն. Վերջապէս, կը մեայ մի-
ակ մոմ մը ամբողջ Տաճարի ահաւոր մթութեան
մէջ. ախուր արարողութիւնները կ'աւարտին « վեր-
ջին կտակ » ով։

Ուր. — Յիսուսի շարչարանաց, խաչելու-
թեան և թաղման յիշատակն է։ Տխուր է եկե-
ղեցին, ցորեկը խաչելութեան ու երեկոյին թաղ-
ման կարգ կը կատարէ։ Ամենէն հոգենուագ շա-
րականները կ'երգուին. « Պարգեւատուն ամենե-
ցուն » շարականը իր բարձր գրուածքով և յու-
զիչ եղանակով ամեն աչերէ արցունքներ կը
խլէ։

Շբ. — Յիսուս թաղուած է. գերեզմանը կը
կնքուի և պահապան զինուորներ կը գրուին քա-
հանայապետներուն կողմէ։ Երեկոյին Ա. Պատա-
րագ կը մատուցուի. ձրագալոյց է Յիսուսի Յա-
րութեան։

Համբարձում Քրիստոսի

Յիսուս իր յարութենէն վերջ՝ քառասուն օր աշակերտներուն երեւալով, զանոնք կը հրահանդէ, կը հրամայէ Աւետարանը քարողել բոլոր աշխարհի. բայց կը պատուիրէ որ սպասեն երուսաղէմի մէջ այն չնորհքին, զոր պիտի ընդունէին Ս. Հօգիին գալով:

Եւ զօրացնելով զանոնքյուսով, և հաստատելով հաւատքի մէջ՝ տարաւ մինչեւ բեթանիա և անկէ Զիթենիներուն լեռը: Հոն բազկատարած՝ օրհնութիւն տուաւ եւ վերացաւ դէպի երկինք, և ամպը զԱնիկայ ծածկեց առաքեալներուն տեսութենէն: Մինչդեռ անոնք ապշաճ՝ Յիսուսի ընթացքը կը դիտէին, ահա՛ երկու հըրեշտակներ, սպիտակ հանդերձներով, մարդկեղէն կերպարանքով երեւալով՝ ըսին անոնց «Այս Յիսուսը որ երկինք վերացաւ, այնպէս, պիտի գայ օր մը »: Այն ատեն առաքեալները երկրպագելով՝ ուրախութեամբ դարձան երուսաղէմ և հանապազ տաճարին մէջ էին. կը գովիէին և կ'օրհնէին Աստուած, և կը սպասէին երկնային զօրութիւնն ընդունելու:

Համբարձման տօնը միշտ հինգշաբթի օր կը պատահի, և այս տօնին կ'երգուին « Որք արնկակից », « Համբարձաւ Տէրն մեր » և ուրիշ շարականներ աւուր պատշաճի:

Երկրորդ Ծաղկազարդ

Համբարձման տօնին յաջորդող կիրակին կը կոչուի Երկրորդ Ծաղկազարդ: Առաջին Ծաղկազարդը, ինչպէս ըսինք, Քրիստոսի յաղթական մուտքն էր Երուսաղէմ, իսկ Երկրորդ Ծաղկազարդը յիշատակ է Յիսուսի վերին Երուսաղէմ մոնելուն՝ հրեշտակներու առաջնորդութեամբ:

Հին աւանդութիւն մը կ'ըսէ թէ՛ Ս. Գրիգոր Լուսաւորիչ, խոր վիրապին մէջ գտնուած ատեն, իրեն սպասաւորութիւն կ'ընէր հրեշտակ մը: Երբ այս կիրակիին չերեւիր հրեշտակը, Լուսաւորիչ կը հարցնէ պատճառը, ու կ'իմանայ որ Քրիստոս համբարձած ժամանակ հրեշտակներու չորրորդ դասակարգէն անցած ըլլալով՝ ամեն տարի այդ օրը տօն կը կատարեն եղեր, և որովհետեւ ինքն ալայդ դասին կը վերաբերէր, հարկադրուած էր մասնակից ըլլալ իր ընկերներուն հանդէսին եւ և ուրախութեաւն:

Այս տօնին յատուկ երգուած « Մեծահրաշ » շարականը՝ զոր Գրիգոր Վկայասէր կաթուղիկոսը դրած է, կը պատմէ այդ աւանդութիւնը:



Տօն Երեման Ա. Խաչի

Կոստանդիանոս կայսեր տղուն կոստանդի օրով, Երուսաղէմի վրայ Գողգոթային մինչեւ Զիթենիներուն լեռը՝ լուսաւոր կերպով կ'երեւի Յիսուսի Ս. Խաչին նշանը, զարմացնելով բոլոր Հրեաներն, ու շատերն հաւատքի դարձնելով Քըրիստոսի 352 թուականին։ Երուսաղէմի կիւրեղ հայրապետն տեսնելով այս հրաշալի երեւումը ու կատարուած սքանչելիքը, պատմութեան ձեւով կը գրէ առ կայսրն։ Այս թուղթը տօնին կը կարդացուի առտուան արարողութիւններու միջոցին։

Ինչպէս Խաչի շատ մը շարականներ, նոյնպէս այս տօնին յատուկ երգուած շարականներն ալ գրած է մեր հայրապետներէն մին՝ Սահակ Զորափորեցի պատուական կաթուղիկոսը։ այնքան Հոգեցունչ, այնքան իմաստալից կերպով։

Հոգեգալուս

Յարութենէ քառասուն օր վերջը, երբ Քրիստոս երկինք համբարձաւ, արդէն Ս. Հոգին առաքեալներուն խրկել խոստացած էր, որ զա-

նո՞նք լուսաւորէ և հրահանգէ։ Մատաթիան, Յուղայի տեղ աղօթքով և վիճակով ընտրուած էր առաքեալներու թիւին մէջ, եւ երբ յիսուներորդ (Պէնտէկոստէ) օրը ժողովուած էին վերնատան մէջ, սաստիկ շարժում մը եղաւ, և Ո. Հոգին հրեղէն լեզուներով իշաւ առաքեալներուն վրայ, տալով անոնց՝ իմաստութիւնն, շնորհք եւ հանճար՝ այլ և այլ լեզուներ խօսելու և քարոզելու համար։

Ամենքը սորվեցան զատ զատ լեզուներ, ինչպէս Պետրոս՝ Հռովմայեցւոց լեզուն, Փիլիպպոս՝ Արաբացւոց, Յովհաննէս՝ Կիլիկեցւոց, Բարթուղիմէոս՝ Մարաց, Թագէոսն ալ ուսաւ Հայոց լեզուն. և աշխարհի ամեն կողմը քարոզեցին Աւետարանը։ Թագէոս առաքեալ այս միջոցներուն գնաց Հայերուն մէջ, Տիրոջ խոստումին համեմատ, և սկսաւ քարոզել։

« Առաքելոյ աղաւնոյ » շարականը և միւս բոլոր այս տօնին յատկացեալ երգերը գրած է Ս. Ներսէս Շնորհալի հայրապետը։

Այս Պէնտէկոստէի տօնին կը կարդայ մեր եկեղեցին Ներսէս Լամբրոնացիին գրած մէկ սքանչելի ճառը, լի բանաստեղծութեամբ և վսեմ դաղափարներով։



Վարագայ Խաչ

Խաչի նշանաւոր հրաշքներէն մին կատարուած է վարագայ լեռին վրայ : — Հայերուն մէջ աւանդութիւն կար թէ Ս . Հռիփսիմեան կոյսեր , երբ Դիոկղետիանոս կայսեր ժամանակ հալածուեցան , իրենց հետ ունէին Յիսուսի խաչափայտէն մաս մը , ու Երբ մի քանին հասան այն լեռին վրայ և վախճանեցան , այդ նուիրական նշխարն ալ անյայտ եղաւ :

Այս բանը գիտնալով՝ ճգնաւոր մը , Թաթիկ անուն , յամին 633 , նոյն տեղ , վանքի մը մէջ աւանձնացած՝ կը խնդրէր Աստուծմէ յայտնել իրեն այն դանձը : Թաղիկի աղօթքն ընդունելի կ'ըլլայ Աստուծոյ , և Խաչափայտը տասներկու լուսեղէն սիւնով կ'երեսի ամպերու մէջէն :

Մեր Ներսէս Գ . կաթուղիկոսը , որ Նինող կը կը կոչուի , աս լսելով՝ առանձին տօն սահմանեց և յօրինեց շարական վայելուչ « Նշանաւ ամենայաղթ խաչիւդ » անունով :

Գիւտ Խաչ

327 Թիւին , կոստանդիանոսի մայրը , 79 տարեկան , բարեպաշտութեամբ զարդարուած , կ'ուղէ Երուսաղէմի մէջ ֆառաւուր եկեղեցի մը կանգնել : Հոն կը տեսնէ ողորմելի վիճակը քաղաքին , վասն զի հեթանոս մարդիկ Գողդոթայի վրայ կուռքերու մեհեաններ կանգնած էին :

Այս քրիստոսասէր դշխոյն կործանել տուաւ զանոնք , և աւանդութեամբ գտաւ Փրկչին տապանը , զոր պեղել տուաւ . Երեք խաչ երեւեցան և մեռեալ պատանիի մը յարութենէն յայտնուեցաւ Քրիստոսի խաչը , զոր ոսկի տապանակի մէջ պահել տուաւ և շինեց եկեղեցի յանուն Յարութեան Քրիստոսի : Մի և նոյն ժամանակ , կանգնեց երկու եկեղեցի ալ , մին Բեթղէհէմ՝ ի պատիւ Ծննդեանն և միւսը Զիթենիներուն լեռ՝ ի յիշատակ Քրիստոսի Համբարձման . շատ մը բարեգործութիւններէ վերջը՝ դարձաւ իր որդիին քով :

Այս խաչին երգուած « Հրաշակերտ » , և « Այս օր խնդրի » շարականները խաչի սքանչելիքն և աստուածասէր դշխոյին հաւատքը կը սորվեցնեն .

Ս. Գրիգոր Լուսաւորիչ

Այս աստուածարեալ եւ մեծ անձնաւորութիւնը, Հայերը քրիստոնէական լուսոյ մէջ բերելուն համար, կոչուեցաւ Լուսաւորիչ :

Մեր բոլոր եկեղեցական հայրերուն մէջ գըլխաւորը կը հանդիսանայ իր առաքելական քարոզութիւններուն համար: Քրիստոսի և Եկեղեցին սիրուն համար դառն տանջանքի համբերելէ վերջը՝ ձգուեցաւ մահապարտներու խոր վիրապին մէջ, մեալով անմասս 15 երկար տարիներ՝ Աստուծոյ հրաշքով: Իր ամբողջ կեանքն անցուց ծառայելով եկեղեցւոյն և արժանի եղաւ Թաղէսս առաքեալին ձեռքով հաստատուած և հալածանքի պատճառով յաջորդութիւնը առժամաբար ընդհատեալ աթոռին վրայ բազմիլ, ձեռնադրութեամբ կեսարիոյ Ղեւոնդիոս Յոյն հայրապետին:

Եկեղեցին արժանավայել կերպով կը պատուէ այս սրբադան Հայրապետը, միշտ իր աղօթքներուն և մաղթանքներուն մէջ զանիկա բարեխօս կը բռնէ, եւ տարին երեք անգամ ալ կը կատարէ անոր յիշատակը:

Մեծ պահքին վերջի շաբթուն կը կատարէ վիրապը ձգուելուն տօնը, ամառուան մէջ կը տօնէ վիրապէն ելլելուն յիշատակը և, անկէ տասն և հինգ օր յետոյ, մեծավայելուչ հանդէսներով

կը կատարէ անոր սուրբ նշխարներուն գիւտի տօնը: Վասն զի այս հայրապետը Մանեայ այրին մէջ առանձնացած էր, թողով իրեն յաջորդ իր որդին Արիստակէս, ու կը պարապէր ճգնութեան և շարունակական աղօթքի: Մահուանէն վերջը՝ մարմինն անյայտ մեացած էր մարդիկներէ: Եւ Աստուած, որ մարդոցմէ գաղտուկ եղած բաներն երեւան կը հանէ, հաճեցաւ այս մեծ սուրբին նշխարներուն տեղն ալ յայտնել ճգնաւորի մը, Գառնիկ անուն, որ գտաւ ծառի մը խոռոշին մէջ լուսափայլած, և մեծ պատիւով ու շքեղ հանդէսով, անհամար ժողովուրդներ անոր սքանչելագործ նշխարները տարին ամփոփել Թորդան աւանի մէջ, և անկէ Վաղարշապատ, ուր փառաւոր եկեղեցի մը շինել տուած էր Ս. Գրիգոր և անուանած կղմիածին, որուն տօնն ալ յատուկ կը կատարէ Հայոց եկեղեցին:

Անոր աջ բազուկը կը գտնուի այժմ Ս. Էջմիածնի մէջ, եւ բոլոր եկեղեցիներ ունին Լուսաւորչի անունով յատուկ մասունք, որոնցմով բըժըկութիւն կ'ըլլայ հաւատացեալ հիւանդներու:



Սուրբ Թագվմանիշներ

(ՍԱՀԱԿ ԵՒ ՄԵՍՐՈՊ)

Այս երկու մեծ Հայրապետները պատճառ եղան, հազար հինգ հարիւր տարիներէ աւելի առաջ, մեր ազգին այրութէնը հնարելու։ Ահա՝ անոնց համառօտ պատմութիւնը։

Ս. Մեսրովպ, Հացեկաց անուն գեղէն, Մեծն Ներսէս հայրապետի աշակերտն էր, արքունիքի ատենադպիր եղաւ, որովհետեւ լաւ գիտէր Յոյն, Պարսիկ և Ասորի լեզուները։ — Թողլով ամուսնական կեանքը՝ վանք մը մտաւ և շատ մը աշակերտներ ունեցաւ իր քով։ Նոյն ժամանակ Հայ ազգին հայրապետն էր Ս. Ասհակ։

Մեսրովպ վարդապետ, թէեւ փափաք ունէր ժողովուրդին Աստուածաշունչ գիրք ուսուցանել, սակայն Հայերը մասնաւոր տառեր չունենալուն և եկեղեցական ամեն արարողութիւններն Ասորի և Յոյն լեզուներով կատարուելուն համար, խորհեցաւ գիր հնարել և այս գեղեցիկ խորհուրդը յայտնեց Ս. Ասհակին։

Ս. Մեսրովպ, աջակցութեամբ Հայրապետին, գնաց շատ մը քաղաքներ օժանդակութիւն գտնելու համար, ինչպէս նաև Ասորի Դանիէլ եպիսկոպոսին քով, որմէ կ'երեւի թէ բաւական օգտուեցաւ բաղաձայն գրերու մասին։ Ասկայն

իր փափաքին կատարելապէս չհասնելով՝ ապաւինեցաւ Աստուածոյ զօրութեան, և տեսիլքին մէջ տեսաւ թաթ մը որ կը գրէր ձայնաւոր տառերը «Ա, Ե, Է, Ը, Խ, Ո, Ի, »։

Ս. Մեսրովպ մեծապէս ուրախացած՝ առաջին անգամ յունարէն լեզուէ հայերէնի թարգմանեց Սողոմոնի Առակիներու գիրքը և ապա մեծ աշխատութեամբ Հին և Նոր Կոտակարանը, Յովհան եւ Յովսէփ աշակերտներով, և այլն, և այնքան հրաշալի թարգմանեցին որ օտար ազգեր սքանչացած՝ « Թագուհի թարգմանութեանց » անուանեցին զայն։ Ա՛լ այնուհետեւ ամեն տեղ տարածուեցաւ Հայ լեզուի ուսումը գպրոցներու միջոցաւ։

Որչա՞փ պէտք է յարգենք ու սիրենք այս պատուական վարդապետները, որոնք Մովսէսներ եղան մեզի համար, վասն զի լուսոյ ջահեր վառեցին ամենուս սրտին ու մտքին մէջ։ Ս. Ասհակի մարմինը կը հանգչի Աշտիշատի մէջ և Մեսրովինը Օշական՝ փառաւոր մատուռներով։

Ս. Թարգմանիչներու օրը գպրոցական տօն է. ուստի երախտագիտական հանդէսներ պիտի կատարուին այն օրը, ի պատիւ անոնց սուրբ յիշատակին։

Սանդուխս կոյս եւ Թաղէոս

Սանատրուկի դուստրն էր այս տասներկու տարեկան սրբուհի կոյսը՝ Սանդուխտ։ Թաղէոս առաքեալին քրիստոնէական հաւատքը քարոզելով դարձաւ հօրը հեթանոսական կրօնէն և հաւատաց Քրիստոսի։ Իր Սանատրուկ հօրը աղաչական և մերթ սպառնական ձայնը կարող չեղաւ զանիկայ խախտելու սուրբ հաւատքէն, և վերջապէս յանձն առաւ ամեն տանջանք ու բանտարկութիւն, և արժանի եղաւ վկայական մահուան՝ իր հօրը անգութ հրամանով դահիճի ձեռքով դլսատուելով։

Սրբուհին Սանդուխտ քրիստոնէական հաւատքի ճշմարտութիւնը իրեն արիւնով կնքեց, ուստի և, սքանչացած կուսական այս քաջարտութեան վրայ, մեր երանաշնորհ հայրապետներէն մին գողտրիկ շարական մը յօրինած է։

Սանդուխտ վկայուհին հետ կը տօնուի Թաղէոս առաքեալ, որուն վրայ պիտի խօսինք յաջորդ դասով։

Թաղէոս եւ Բարբուդիմէոս

Թաղէոս, որ Ղէբէոս ալ կը կոչուի, տասներկուքներէն մին էր, որ Տիրոջ երկինք համբառնալէն յետոյ, Թովմաս առաքեալէն խրկուեցաւ

առ Աբգար Եղեսիա քաղաքի մէջ, և հոն հասնելով բժշկեց զնա իր ցաւերէն և մկրտեց. քաղաքը դարձուց հաւատքի եւ Աղդէ անուն մէկը եպիսկոպոս ձեռնադրեց։ Սա աշակերտեց սուրբ Ոսկեան քահանաներն, Սրբուհին Սանդուխտ և ուրիշ շատեր, ուստի եւ կոչուեցաւ առաքեալ և հոգեւոր հայր Հայաստանեայց. զոր ապա բռնելով Սանատրուկ՝ չարչարել տուաւ և հուսկ յետոյ անոր գլուխը սրով կտրեց. բայց հաւատացեալ քրիստոնեաներ անոր սուրբ մարմինը ամփոփեցին գերեզմանի մէջ։

Բարթուղիմէոս, որ Նաթանայէլ ալ կ'ըսուի, Քրիստոսի երկոտասան առաքեալներէն մին էր, որ Տիրոջ համբարձումէն վերջ, երբ իր ընկերները տիեզերքի ամեն կողմը ցրուեցան քարոզել, ինք գնաց Պարսից, Մարաց, Պարթևաց և այլ աշխարհներ. ապա Հայոց մէջ, եւ հոն Սանատրուկի քոյրն Ոգուհի դշխոյ անոր հազարապետն և ուրիշներ դարձուց հաւատքի։

Հեթանոսներ զանիկայ բռնելով տանջեցին, մորթը աղիք ըրին. և ինքն եղաւ հայր և լուսաւորիշ մեր Հայաստանեայց եկեղեցւոյ։

Թաղէոս և Բարթուղիմէոս Սրբազն առաքեալներն, որոնց յիշատակը պանծալի կերպով կը կատարուի, եղան մեր աղգին առաջին Լուսաւորիշները, վասն զի անոնք սերմանեցին Քրիստոնէական հաւատքին զօրաւոր սերմը, որմէ բողբոջեցաւ Ս. Գրիգոր՝ երկրորդ Լուսաւորիշը։

ԱՐԱԳ ՏՕՆԵՐ

Դաւիթ մարգարէ եւ Յակոբ առաքեալ

Դաւիթ, որ թագաւոր և միանդամայն մարդարէ կը կոչուի, Յուղայի ազգէն Բեթղէհէմացի Յեսուսէի կրտսեր որդին էր։ Աստուած ընտրեց այս պատանին, որ փեսայացաւ Սաւուղի, և յետոյ անոր յաջորդ կարդեց բոլոր Խորայէլի վրայ և խոստացաւ անոր՝ երդմամբ՝ որդին նստեցնել իր թագաւորական աթոռին վրայ։ Դաւիթ, թէ իրը մարդարէ եւ թէ իբր թագաւոր, երրայական ազգին մէջ նշանաւոր և Աստուծոյ սիրելի դարձաւ, անոր սերունդէն խոստացաւ Աստուած տալ սիեղերքի փրկիչը. ասոր համար Աստուածահայր ալ կը կոչուի։ Այս մեծ մարդարէին կենսադրութիւնը ընդարձակօրէն կրնանք կարդալ Ս. Գրքի պատմութեան մէջ։

Յակոբոս՝ փոքր եւ արդար անուանեալ՝ Քրիստոսի տասներկու առաքեալներէն էր. որդի էր Ալֆեայ, վասնորդ կը կոչուի Յակոբոս Ալֆեայ. և որովհետեւ որդի էր նաեւ Ս. Կոյս Մարիամի ազգական կնոջ մը՝ ուստի եւ կ'ըսուի եղբայր Տեառն։

Այս տօնին երգուած շարականն է « Յաղթող գտաւ » և այլն։ Աւագ տօներուն կ'երգուի նաեւ « Այսօր դասք հրեշտակաց » ը այնքան յուզիչ շեշտերով և հոգեզմայլ եղանակով։

Ա. ՍՏԵՎԻԱՆՈՍ ՆԱԽԱՍԱՐԿԱԼԱԳ

Սուրբ Ստեվիանոս առաջինն եւ նախապատիւ եօթն սարկաւագներէն՝ իրեն սքանչելագործութեամբ և քարոզութեամբ՝ աներկիւղ կը յանդիմանէր հրեաներուն խստասրտութիւնը, որուն համար ատեան կոչուեցաւ և դատապարտուեցաւ քարկոծուելու։

Իր տանջանքին մէջ կ'ազօթէր իրեն վրայ քարձողներուն և սպանողներուն համար և մահուան ժամնուն տեսաւ զբրիստոս հայրենական փառքին մէջ բազմած։

Ստեվիանոս կոչուեցաւ առաջին մարտիրոս և նախասարկաւագ քրիստոնէական եկեղեցւոյ։ Ս. Ստեվիանոսի շարականը, « Նահատակ բարի » որքան վսեմ կերպով շարադրած է մեր Յովհան իմաստամէր Օձնեցի կաթուղիկոսը։ Այս պատուական հայրապետին կ'ընծայուին նաեւ միւս աւագ տօներու հմտալից շարականները։

ՊԵՏՐՈՍ ԵՒ ՊՈՂՈՍ

Քրիստոսի տասներկու առաքեալներէն էր Պետրոս, որ յունարէն վիմ կը թարգմանուի. եղբայր էր Անդրէասի. ունէր ջերմ սէր մը Յիսուսի վրայ և որչափ որ իր Ֆէրն ուրացաւ մատ-

նութեան դիշերը , սակայն յարութենէ վերջը պաշտօն ունեցաւ Քրիստոսի հօտը՝ այսինքն ժողովուրդը՝ արածելու , և իրաւամբ շատ մեծ դեր մը կատարեց , անհամար հեթանոսներ դարձուց հաւատքի , և Յիսուսի անունով շատ հրաշագործութիւններով ըրաւ :

Այլ և այլ տեղեր Աւետարանը քարոզելէ և բանտարկուելէ վերջը , կ'ըսեն թէ , Հռովմ' Ներոն կայսրէն տանջանքի մատնուելով դլխիլայր խաչուեցաւ :

Պօղոս՝ (նախ Սաւուղ կամ Պօղոս) փարիսեցի երիտասարդը , որ սաստիկ հակառակորդ էր քրիստոնեաներուն , զանոնք շղթայակապ ընելով՝ կը տանէր քահանայապետին : Սակայն անդամ մը , Դամասկոսի ճամբուն վրայ , սքանչելի լոյս մը տեսնելով և Տիրոջ կամքով Դամասկոսի մէջ Անանիա անուն աշակերտէ մը մկրտուելով՝ դործունեայ առաքեալ մը դարձաւ , քարոզեց հեթանոսներուն և կոչուեցաւ « Հեթանոսներու Առաքեալ » :

Պօղոս առաքեալ Քրիստոսի հաւատալով , ամեն կերպով պատրաստ գտնուեցաւ Աւետարանը քարոզելու : Եւ ո՞վ կրնայ պատմել ինչ որ ըրաւ : Իր ուղեւորութիւնները . քարոզութիւնները , անցքերն ու վիշտերն ընդարձակորէն կրնանք կարդալ « Գործք Առաքելոցի » մէջ : Զանազան եկեղեցիներու գրած թուղթերը , որոնցմէ կը կարդացուին եկեղեցւոյ մէջ , իրենց դրուածքին

ու իմաստին կողմանէ շատ վսեմ են :

Իբր 62 թուականին , Պօղոս առաքեալ Հռովմ' տարուելով՝ հօն ալ չէր դադրեր իր աշակերտներն հրահանգելէ , և ստէպ կը գրէր անոնց՝ որ զանազան քաղաքներու մէջ իրեն քարոզութիւններով կը հաւատացած էին Տէր Յիսուսի :

Իր բանտարկութեան միջոցին գրեց Գաղատացիներուն , Եփեսացիներուն , Կողոսացիներուն , Ինչպէս նաև Տիմոթէոս , Տիտոս և Փիլիմոն աշակերտներուն և Եբրայեցիներուն թուղթեր գրեց :

Կ'աւանդուի թէ այս բազմավաստակ Առաքեալը՝ Ներոն կայսրին հալածանքին ժամանակ , գլխատուեցաւ Հռովմէ դուրս բարձր տեղ մը , որ կը կոչուի Սալլուեան ջուրեր , բայց մարմինը կուկինա անուն բարեպաշտ կին մը թաղել տուաւ իր ագարակին մէջ , Ոստիա քաղաքը :⁽¹⁾



Որդիի Որուման

[Ց Ա Կ Ո Բ Ո Ս Ե Ւ Ց Ո Վ Հ Ա Ն Ն Է Ս]

Այս երջանիկ առաքեալներն Յիսուսի շատ սիրելի էին : Ասոնք , երկու եղբայրներ , որդի էին Զեբեթոսի , մայրերնին՝ Սողովմէ՝ ինդրեց Յիսուսի

⁽¹⁾ Աւելրդ չէ ըսել որ լաւ կ'ընեն Կրօնի Ուսուցիքը , եթէ այս յոգնաշան Առաքեալի կեանքն ու դործունէութիւնը ուսումնասիրել տան աշակերտներուն՝ Գործք-Առաքելոցին պատմած կերպով :

որ իր երկու որդիներն արքայութեան մէջ նըստին՝ Անոր աջ ու ձախ կողմերը։ Ականատես եղան Յիսուսի պայծառակերպութեան, Թափօր լեռին վրայ, և կոչուեցան Բաներիգես, այսինքն Որդիք որոտման։

Յակոբոս առաքեալ քարոզելով Հրեաներուն՝ սրով նահատակուեցաւ Երուսաղէմ, հրամանաւ Հերովդէսի, և առաջին մարտիրոսն եղաւ առաքեալներուն մէջ։

Իսկ Յովիշաննէս առաքեալ, որ աւետարանիչ էր միանգամայն, աստուածաբան անունն ալ կը կրէ։ Յիսուսի յոյժ սիրելին էր։ Պաղմոս կղզին մէջ, ուր աքսորուած էր, գրեց Աւետարանն ու Յայտնութեան գիրքը՝ յունարէն լեզուով՝ Յիսուսի համբարձումէն յիսուն և չորս տարի ետքը։ Գըրած է նոյնպէս Անդհանրական և մէկ մասնաւոր թուղթեր։

Հարիւր տարեկան հասակի մէջ վախճանեցաւ Յովիշաննէս, իր ներկայութեան իսկ բրել տալով գերեզմանն՝ իր աշակերտներուն ձեռքով։

Հայոց Եկեղեցին տօնելով ասոնց յիշատակն՝ կը կարդայ նաև նոյն առաւօտուն « Հանգիստ Յովիշաննու առաքելոյն » կոչուած գրութիւնը։

ՄԵԾ-Պահի

Էր ժամանակ մը որ Հայ-քրիստոնեայ ժողովուրդը Մեծ Պահքի օրերուն մէջ խստակրօն կենցաղ վարելով՝ աղ ու հաց կը ճաշակէր։ ասոր համար այս օրերը կը կոչուին նաև աղուհացից օրեր։ Մեծ Պահքն օրինակ է Քրիստոսի քառասնորդական պահքին և փորձութեանց, և նախածնողներուն դրախտէն արտաքսուելուն, ուստի և պահքով ու ծոմով ապաշխարութեան կը հրաւիրէ Աստուած իր ժողովուրդը։

Մանենք Եկեղեցին. ամեն ինչ սեւ ու մելամաղձիկ կը գտնենք հոն, վարագոյրները գոցուած են, կը տեսնենք Փրկիչը որ՝ Խաչն ուսը առած՝ մեզ իրեն կը հրաւիրէ ։ պէտք է ապաքէն յիշենք անոր կրած ամեն չարչարանքներն և խնդրենք իր անչափ գթութիւնը։ մտիկ ընենք մանաւանդ այն քարոզները ։ պատուելիներն ու բարոյալից առակները, զորոնք Յիսուս խօսած է և այենքն վսեմ և սրտագրաւ կտորներն են սուլր Աւետարանի։

Իւրաքանչիւր կէս օր՝ ծոմի զանգակահարութիւն կը լինի, ապաշխարութեան ժամ է, աղօթք ընելու ժամանակ է։ — Մանաւանդ ի՞նչ անուշ և սրտառուչ են արեւագալի երգերը։ Յարեւելից — Ճգնաւորք — Լոյս և Ճանապարհ, զորոնք շարագրած է մեր հայրապետներէն մին Եղր։ և Երեկոյեան խաղաղականի ժամուն հոգեշունչ եւ

Նուիրական աղօթքներն ու մաղթանքները, ինչպէս՝ « Նայեաց սիրով — ի քէն հայցեմք — Հաւատովլ խոսառվանիմ » . Աղուհացից կիրակիներու շարականներն և այլ ընտիր գոհաբանական աղօթքները, զորս երկնած ու երգած էյաւտենական յիշատակի արժանի ներսէս կայեցի՝ որ և Շնորհալի՝ Ս. Հայրապետը,

Որքան լաւ է որ, ամեն ժողովուրդ այս քառասնորդական օրերու մէջ պահք բռնէ, ծոմ պահէ, ընտանեօք տունը « Եկեսցէ » կատարէ, նահապետական սովորութիւններու համեմատ, իր անձը առաքինական գործերովլ պատրաստէ Մարմնոյ եւ Արեան, և հոգեկեցոյց Յարութեան Տեառն:



ԽՈՐՃՈՒԹԳ ԵԿԵՂԵՑԻՈՅ

Կ. Ա. Մ Պ Ս. Շ Տ Ս. Մ Ո Ւ Ն Ք

Մկրտութիւն եւ Դրում

Մկրտութեան սուրբ Խորհուրդն հաստատեց Քրիստոս. Երբ Յարութենէ վերջ զրկեց Առաքեալները՝ բոլոր աշխարհ Աւետարանը քարողել, ըստ. « Մկրտեցէք զնոսա, յանուն Հօր և Որդւոյ և Հոգւոյն սրբոյ » : Մկրտութիւնը անհրա-

Ժեշտ է ամեն անոնց՝ որ կ'ընդունին քրիստոնէութիւնը :

Մկրտութիւնը երեք տեսակ է: — Արեւելեան կամ Հայ եկեղեցին իր երախան կը մկրտէ ընկղմամբ, իբրև օրինակ երեքօրեայ թաղման եւ Յարութեան Յիսուսի. մկրտութեամբ Ս. Միւռոնի դրօշմը կ'ընդունի երախան իր հինգ զգայարանքներուն և կարեւը անդամներուն վրայ, և մկրտեալին կեանքի մաքրութեան և բարոյականի զարգացումին կարեւոր հոգը կըստանձնէ կնքահայրը:

Արևմտեան կամ Պատմական եկեղեցին կը մըկրտէ հեղմամբ, իբրեւ նշան Քրիստոսի մկրտութեան Յորդանանու գետին մէջ Յովհաննէս Մըկրտիչն: Խսկ Բողոքական եկեղեցին, քանի մըյարանուանութիւններէ զատ, իր չափահաս երախան կը մկրտէ սրբիմամբ, նշանակ Ս. Հոգիին կինելուն:

Այս խորհուրդին մէջ օրինաւոր պաշտօնեան է քահանան, մեղքը սրբելու արտաքին նշանն է ջուրը, և աղօթքն է « Մկրտեմզրեղ յանուն Հօր և Որդւոյ և Հոգւոյն Սրբոյ » :

Նախնի գարերու մէջ, անոնք որ մկրտուած չէին, Ս, Խորհուրդին՝ այսինքն Ս. Հաղորդութեան չպիտի մօտենային, այլ միայն ներկայ կը գտնուէին պատարագի առաջին մասին, որ կը կոչուէր Երախայից Պատարագ Երախայ անունը, որ չմկրտուած՝ (կրօնի մէջ մանուկ)՝ կը նշանակէ,

կը տրուէր այն բոլոր քրիստոնեաներուն, որոնք
նորեկ էին, հաւատքի վարդապետութիւններն ու
դաւանութիւններն՝ Հայր մեր, Հաւատամի, Փառք
ի բարձունս, ևայլն ուսանելու պէտք ունէին. ուս-
տի և՝ երբ Սարկաւագը կը ճայնէր. « Մի՛ ոք յե-
րախայից, մի՛ ոք ի թերահաւատից և մի՛ ոք յա-
պաշխարողաց և յանմաքրից մերձեսցի յաստ-
ուածային խորհուրդ » , անոնք կ'երթային եկե-
ղեցիին-դաւաիթները, որոնք այն ժամանակ ըն-
դարձակ կը շինուէին, և հոն կ'աղօթէին Աստուծմէ
չնորհք հայցելով:

Հաւատացեալները, մկրտութենէ վերջ, Ս. Հո-
գիին դրոշմը կ'առնէին (Գործք. Ը. 17. Ժ. 5).
այսպիսի սրբութենէ յետոյ՝ Սուրբ կ'անուանուէին
իբրեւ նշան հեթանոսներէն որոշուելու:

Ապաշխարութիւն

Հայոց Ս. Եկեղեցիին վարդապետութեան հա-
մեմատ, երբ ապաշխարողը քահանային առջև կը
խոստովանի իր մեղքերը, « Մեղայ Ամենասուրբ
երրորդութեան » ով զղումը կը յայտնէ, քահա-
նան՝ իբրեւ միջնորդ Աստուծոյ և մարդուն՝ իր
կարդովը արձակում կուտայ « Ողորմեսցի » ա-
ղօթքով, և յորդորակներէ վերջ կարողութիւն կը
մաղթէ որ արժանի ըլլայ հաղորդ ըլլալու Յի-
սուսի Մարմինին և Արիւնին:

կանուխէն, խոստովանութիւնը երկու տեսակ
էր.—թեթեւ յանցանքներու համար յունկանէ, իսկ
ծանր յանցանքներու համար հրապարակալին։ Ծանր
յանցաւորները սուգի զգեստով եպիսկոպոսին
առջեւը կուգային. և իրենց գլուխին վրայ մո-
խիր ցանելէ վերջ, ապաշխարողներու չորս հե-
տեւեալ կարգերէն կ'անցնէին.

1. Հեծեծողներ՝ որ Եկեղեցիին գաւիթին մէջ
կեցած՝ աղօթք կ'ընէին. 2. Ունկնդիրներ որ Եկե-
ղեցիի դուռին քով կրնային կենալ և քարոզ մը-
տիկ ընել։ 3. Գետնամածներ, որ ծունկի վրայ ե-
կած՝ աղօթքի ներկայ կը լինէին, բայց « Մի՛ ոք
յերախայից » ի ատեն դուրս կ'ելլէին։ 4. Կան-
գուն կեցողներ, որ ոտքի կանգնած պատարագ կը
տեսնէին, բայց չէին կարող հաղորդուիլ։

Ս. Հաղորդութիւն

Հաղորդութեան Ս. խորհուրդն հաստատեց
Քրիստոս վերնատան մէջ, Աւագ Հինդշարթի օ-
րը։ Երբ աշակերտները սեղան նստած էին, Յի-
սուս օրհնեց հացն և անոնց տուաւ ըսելով։ Ա-
ռէ՛ք, կերա՛ք. այս է մարմին իմ։ յետոյ օրհնեց
գինին ըսելով՝ « Արքէ՛ք ի սմանէ ամենեքեան։
այդ է արիւն իմ նորոյ ուխտի » :

Հաղորդութիւնը անխմոր հաց և անազակ

գինի է, բայց Ս. Պատարագի մէջ քահանային
աղօթքով (Որդի Աստուծոյ և Հոգի Աստուծոյ
աղօթքներու ատեն), նշանարն ու գինին կը փո-
խարկուին «ի Մարմին և յԱրիւն Որդւոյն Աս-
տուծոյ» և կը տրուին արժանաւորութեամբ մօ-
տեցողներուն։ Խւրաքանչիւր քրիստոնեալի պար-
տաւորութիւնն է տարին հինգ տաղաւարներուն,
կամ գոնէ Ս. Ծնունդին և Ս. Զատկին ճաշակ առ-
նել, նախապէս իր անձը սրբութեամբ պատրաս-
տելով։

Նախնի հաւատացեալներն երբ կը հազորդ-ուէին, ձեռքերնին խաչաձեւ եւ իրարու վրայ դրուած կը մօտենային Ս. Խորհուրդին և Պատարագիչ քահանան անոնց աջ ձեռքին մէջ կը դնէր Ս. Մարմինէն, և կիները կամ կոյս աղջիկները, որոնք այր մարդիկներէ վերջը կուգային հազորդուելու, ձեռքերնուն վրայ սպիտակ պատառ կամ շղարշ ունենալով կը մերձենային. — Սուրբ արիննէն ալ կամ Սկիճը բերաննին դնելով կը խմցնէին ամեն հազորդուողներուն, և կամ դգալով կուտային. բայց վերջը, մարմինը արիննին հետ թաթաւելով կուտային հաւատացեալին բերանը, ինչպէս կ'ընէ այժմ չայ եկեղեցին:

Բարեպաշտ հաւատացեալներն հազորդութենէ
ետքը կը կատարէին աղքատաց կերակուր տալու
սովորութիւնը, զոր կը կոչէին Սէր կամ Ագապէ:

Ամուսնութիւն

Ա.մուսնութիւնը կամ պսակը փեսային և հար-
սին մէջ եղած միութիւնն է՝ Աստուածային օրհ-
նութեամբ և քահանային աղօթքով։ Պսակն՝ ինչ-
պէս հին ժամանակ նոյնպէս եւ այժմ՝ քրիստոն-
եաներուն համար անլուծանելի է, միայն ամու-
սիններուն մէկուն մահով լրտուած կը համար-
ուի. այս պարագային մէջ աղատ է այրը կամ կի-
նը ամուսնանալ որո՞ւ հետ որ ուղէ։ Ա.մուսնու-
թիւնը օրինակ է Քրիստոսի հոգեւոր միաւորու-
թեան եկեղեցին հետ։ Պսակի իմաստալից ա-
ղօթքներն ու օրհնութիւնները գրած է Յովհան-
նանդակունի չորհազարդ հայրապետը։

ԶԵՆՅԱՂՐՈՒԹԻՒՆ

Սուրբ Հոգիին գալուստէն վերջ, երբ Առաք-
եալներն այլ և այլ գաւառներ ցրուեցան քա-
րոզութեան համար, իրենց յաջորդները կը դնէ-
ին հաւատացեալներն հրահանգելու եւ խոր-
հուրդները մատակարարելու համար։ Ասոնք ե-
պիսկոպոս կամ տեսուչ անունը առին՝ որոնք, իր-
բեւ յաջորդ առաքեալներու, կը կառավարէին ե-
կեղեցին և հրահանգ կը ստանային անոնցմէ՝
մասնաւոր թուղթերով։

Առաքեալներն այս ընտրութիւնը ձեռնադրութեամբ՝ այսինքն ձեռք դնելով՝ և աղօթելով կը կատարէին, և կը խրկէին ձեռնադրուածնելը զանազան քաղաքներ՝ քարոզելու համար։ Այսպէս, Յովհաննէս Աւետարանիչն Եպիսկոպոս ձեռնադրեց Զմիւռնիայի համար Ս. Պողիկարպան և Անտիոքի համար՝ Ս. Իգնատիոս Աստուածադրութեաց։ Պողոս առաքեալ նմանապէս իր երկու աշակերտները, Տիտոսն ու Տիմոթէոսը, ձեռնադրեց։

Եպիսկոպոսներն ալ, առաքեալներու կողմա-
նէ ընդունած շնորհքին եւ իշխանութեան համե-
մատ, եկեղեցին ծառայելու արժանաւոր ընծա-
յացուները կը ձեռնադրեն կամ կարգ կուտան
անոնց :

Խորհուրդ Հիւանդաց

կանուխէն, եկեղեցին սովորութիւնն էր հիւանդին բժշկութեան և մխիթարութեան համար օճանել իւղով, ինչպէս մինչեւ հիմայ կ'ընէ պապական եկեղեցին. բայց, ի՞նչ ի՞նչ պատճառներով, Հայոց եկեղեցին ջնջեց հիւանդներն օծելու դրութիւնը և պատշաճ համարեց միայն բժշկութեան Աւետարան կարդալ և հոգեւորապէս մխիթարել։ Յակորոս առաքեալ իր թուղթին մէջ կը գրէ. «Եթէ ձենէ մէկն հիւանդ է,

թող կոչէ եկեղեցին երեցները որ աղօթեն ա-
նոր վրայ, և իւղով օծեն տիրոջ անունով. և ա-
ղօթքը, որ հաւատով է, պիտի փրկէ հիւանդը և
Տէրը պիտի կանգնէ զնա » (Ժուղթ Յակոբու Ե.
Պ. 14), Հայաստանեայց եկեղեցին, հետեւած-
ըլլալու համար նախնի սովորութեան, եկեղեցա-
կանները կ'օծէ մասնաւոր արարողութեամբ՝ ա-
նոնց մահէն վերջը».

Մեր հայրապետաներէն մին՝ խօսելով վերջին
օժման վրայ՝ ըստած է, « Հիւանդին բժշկութիւն
տուողը իւղը չէ, այլ տիրոջ անունը : »

Եկեղեցին կարգե

Եկեղեցին կարգերը կամ կղերական աստիճաններն երկուքի կը բաժնուին. Փոքր եւ Մեծ Այս կարգերու պէտքը տակաւ զգալի եղաւ երբ եկեղեցին օրինաւոր կազմակերպութիւն ունեցաւ. Փոքր աստիճաններն են՝

Դռնապանութիւն. — Այս պաշտօնը՝ ինչպէս ա-
նունէն յայտնի կ'երեւի, եր եկեղեցին պահպա-
նել պէտք եղած գործերը կատարելով:

Դարբուքն. — Դպիրները հաւատացեալներու ժողովին մէջ պաշտօն ունեին Ս. Գիրքէն հաստուածներ՝ կարդալ, ուստի և կը կոչուեին գրակարգացներ։ Հիմա ալ ունի եկեղեցին դպիրներ, որոնք եղանակաւոր շարականներ և աղօթք-

Ներ կ'երգեն, կը սաղմոսեն, եւ եկեղեցական պաշտամունքի մէկ կարեւոր մասը կը կատարեն։ Զահրնկալութիւն։ — Զահընկալներուն պաշտօնն էր եկեղեցին լուսաղարդութեան հսկել, ջահերն ու կանթեղները մաքուր պահել և վառել։ Երդմնեցուցութիւն։ — Մասնաւոր իշխանութիւն ունեին գիւահարներու և լուսնոտներու վրայ ձեռք դնելով աղօթելու։

Մեծ կամ սուրբ աստիճաններն են.

Կիսասարկաւագութիւն։ — Եպիսկոպոսները տեսնելով որ Սարկաւագներն իրենց յանձնուած պաշտօնը չպիտի կրնան կատարեալ կերպով ի գործ դնել՝ ընտրեցին կիսասարկաւագներ, որոնք աղատ ըլլալով ամուսնանալու, որոշեալ ժամանակին իրենց պաշտօնին գլուխը կ'անցնէին։

Սարկաւագութիւն։ — Սարկաւագ բառը կը նըշանակէ գործակից, օգնական, ծառայ և այլն. ի հընումն, Սարկաւագներու պաշտօնն էր բարեպաշտ ժողովուրդին տուրքը կարօտեալներուն բաշխել. աղքատներուն, որբերուն և այրիներուն պաշտպան ըլլալ։ — Սարկաւագը՝ Եպիսկոպոսին կամ քահանային իշխանութեան տակ՝ կը մասնակցի ժամերգութեան. կանուխէն Մկրտութեան խորհուրդն ևս կը կատարէին։ Առաքեալներուն ժամանակ, կային Սարկաւագներ որոնք հաւատացեալ յոյն հասարակութեան խնդրանօք ձեռնադրուեցան և հետեւեալներն են.

1. — Ստեփաննոս, որ Ս. Հոգիով լի մարդ

մ'էր. 2. — Փիլիպպոս. 3. — Պրոկոպոն. 4. — Նիկանովը. 5. — Տիմոֆէս. 6. — Պարմենա. 7. — Նիկողայոս՝ նորեկն Անտիոքացի։

Առաքեալներուն ժամանակ կային նմանապէս կին սարկաւագներ կամ սարկաւագուհիներ, որոնք հիւանդներն ու այրիները կը խնամէին։ Մեր եկեղեցին կանուխէն գաղրեցուց կիներու պաշտօնը, բայց Պապական եկեղեցին ունի մինչեւ հիմայ սարկաւագուհի ընտրելու սովորութիւնը, և մեզի ծանօթ են մարտապես անունով։

Քահանայութիւն։ — Քահանան, իբրև ամենուն հայր և խնամող, ամուսնացեալ պաշտօնեայ մ'է. իր մաքուր բարոյականով և գիտութեամբ կարող կ'ըլլայ իր հօտը կառավարել։ Զեռնադրութեան խորհուրդէն զատ, եկեղեցիին ամեն խորհուրդները կը մատակարարէ, ժողովուրդը կը խնամէ և արժանաւորապէս կը ծառայէ Աստոծոյ և Ս. Եկեղեցիին։ Քահանան ընդհանուր ժողովուրդին կողմանէ կ'ընտրուի, և Եպիսկոպոսը զայն կը ձեռնադրէ օծելով։

Վարդապետութիւն։ — Վարդապետը մասնաւոր աստիճան մը չունի, այլ կուսակրօն՝ այսինքն ամուրի քահանայ է. Եպիսկոպոսներուն նման վեղար կը դնէ, իբրև նշան կրօնաւորութեան և, կը կոչուի Սբեղայ, Երբ ձեռնադրով Եպիսկոպոսը գաւազանի իշխանութիւն տայ, ա'լ այնուհետեւ արտօնեալ է Եկեղեցիին ատեանը քարոզել Աստոծոյ խօսքը, և է վարդապետ։ Մասնաւոր աս-

տիճան մ'ալ եպիսկոպոսը կուտայ արժանաւոր-
ներուն, որք կը կոչուին ծայրագոյն վարդապետ:

Եպիսկոպոսութիւն . — Աստիճաններուն ամենէն
բարձրն է այս, վասն զի թէ՛ փոքր և թէ՛ մեծ
կարգերն եպիսկոպոսը կուտայ . կը ձեռնադրուի
կաթուղիկոսէն պետ և հսկող է եկեղեցին, հո-
գեւոր հայր Քրիստոսի հօտին և քարողիչ առա-
քելական վարդապետութիւններուն: — Բարձր-
աստիճան եպիսկոպոսներ մասնաւոր տիտղոսով
կը կոչուին Արհի-եպիսկոպոս կամ Արք-եպիսկո-
պոս՝ կաթուղիկոսէն խրկուած օրհնութեան կոն-
դակով մը:

Նախնական Եկեղեցին

Եկեղեցին այն նուիրական ժողովարանն է,
ուր հաւատացեալները կ'ազօթեն առ Աստուած
կրօնական արարողութեամբ և պաշտամունքով:

Նախնի քրիստոնեաները ժամերգութիւնը
գաղտնի կը կատարէին՝ սովորաբար առաւօտուն
ճաշի ատեն և երեկոյին: Փառաւոր տաճարներ
չունէին, ուստի կը ժողովուէին քրիստոնեաներու
տունները, ու միայն այն տեղերը կըլլային ազօթա-
րաններ, ուր սուրբի կամ նահատակի մը մարմինը
ամփոփուած կար, կամ մաս մը նշխար: Տեղտեղ
գերեզմանական քարերու վրայ իխրիս կը գրուէր,

որ յունարէն կը նշանակէ ձուկ: Իխթիսի սկըզբ-
նագրերը կը նշանակեն « Յիաուս, Քրիստոս, Աս-
տութոյ Որդի, Փրկիչ » (Խորհրդանշանն ալ այս
էր . ինչպէս որ ձուկը կը ծնանի և կ'ապրի ջուրի
մէջ, այնպէս ալ քրիստոնեաները կը ծնանին
ջուրէն ու հոն կը թաղուին Քրիստոսի հետ՝ մկըր-
տութեամբ):

Երբ հալածանքները քրիստոնեայ թագաւոր-
ներու չնորհիւ դադրեցան, ամեն տեղ կռապաշ-
տութեան փոխան քրիստոնէութիւնը տարած-
ուեցաւ, շինուեցան գեղեցիկ եկեղեցիներ և հա-
ւատացեալներն սկսան ազատորէն պաշտել Քրիս-
տոս: Եկեղեցական հովիւներ՝ համարձակ քարո-
գեցին, եւ կարգերն ու կանոնները օր ըստ օրէ
աւելցան:

Եկեղեցիին մէջ

Երբ եկեղեցի կը մտնեմ, կը տեսնեմ Աւետա-
րան, Խաչ և Քրիստոսի, Աստուածածնի և ուրիշ
Սուրբերու պատկերներ:

Աւետարանին մէջ Յիսուսի կեանքին պատմու-
թիւնը, հրաշքներն ու քարողները գրուած են.
ուստի Աւետարանը՝ իրեւ Աստութոյ Որդիին-Քը-
րիստոսի խօսքերը, իրեւ Սուրբ Գիրք մը կը յար-
գեմ. Խաչը մեր Քրիստութեան գործիքն է, որուն

Վրայ Յիսուս թափեց իր սուրբ արիւնը . ուրեմն Խաչն ալ կը յարգեմ ու կը մեծարեմ : Սուրբեւրէն շատերուն պատկերները , որ կախուած են , Եկեղեցին մէջ , մեր աշքին առջեւ կը բերեն իրենց քաշած շատ մը տանջանքներն ու նահատակութիւնը Քրիստոսի և Եկեղեցիին համար . ապաքէն այդ երանեալ սուրբերուն ալ յարգանք կը պարտինք , վասն զի մեր Եկեղեցիին հաւատքն է թէ՝ անոնց հոգիներն երկինքի մէջ կ'աղօթեն մեզի համար : Խսկ մի միայն Յիսուս Քրիստոս , Աստուծոյ որդին կը պաշտենք , և կ'երկրպագենք անոր :

Ս . Եկեղեցին արարողութիւնները , տօները , աղօթքները և ուրիշ գործերը կանոնաւորութեամբ և ըստ պատշաճի կատարելու համար , մեր Ս . Հայրապետները հոգ տարեր են : Սաղմոս , Տօնացոյց , Մաշտոց , Ժամագիրք , Շարական , Ճաշոց և ուրիշ գրքեր իրենց պաշտօններն ունին :

Եկեղեցիներ

Քրիստոսի հիմնած կրօնը , որ վսեմ և բարձր կրօն մ'է և կը կոչուի Քրիստոնէութիւն , բաժնուած է երեք Եկեղեցիներու , որոնք են Արեւետան Եկեղեցի , Արեւմտեան Եկեղեցի և Բողոքականութիւն .

Արեւելեան կը կոչուի այն նախկին Եկեղեցին , զոր Քրիստոս հիմնեց Երուսաղէմի մէջ Առաքեալներուն ձեռքով , որոնք յետոյ տարածեցին Հայերուն մէջ , Յունաստան , Եգիպտոս , Փոքր-Ասիա և ուրիշ տեղեր . Արեւելեան Եկեղեցիները , գլխաւորաբար Հայ և Յոյն , թէեւ աղգով ու ծէսով իրարմէ կը տարբերին , բայց ունին մի և նոյն աստուածային Գլուխը , որ է Յիսուս Քրիստոս :

Հայոց Եկեղեցին հեթանոսներուն մէջ անդրանիկն եղաւ . Թագէսս եւ Բարթուղիմէսս առաքեալները կազմակերպեցին զանի . ուստի Առաքելական է : Յետոյ , Ս . Գրիգոր Լուսաւորիչ և անորյալորդները քրիստոնէական հաւատքին փըրկարար վարդապետութիւնը ամեն տեղ տարածեցին քարոզելով և Եկեղեցիներ շինելով :

Արեւմտեան Եկեղեցին այն է որ հիմնուեցաւ Հռովմի մէջ և յետոյ տարածուեցաւ Եւրոպա , Աֆրիկէ և ուրիշ տեղեր : — Ս . յս Եկեղեցին իրեն հոգեւոր գլուխ կ'ընդունի Պապը , որուն համար «Պապական» անունն ևս կը կրէ . կը ճանչնայ միանդամայն Պապը իրբեւ յաշնորդ Պետրոս առաքելին :

Բողոքականութիւնը Պապական Եկեղեցիէն բաժնուած է : Լուտեր անունով մէկը , որ աստուածաբան կրօնաւոր մ'էր , հակառակեցաւ , մեծ վիճաբանութիւններ մղեց Պապական Եկեղեցին դէմ : Եւրոպական տէրութեանց միջոցաւ կազմեց

առանձին քրիստոնեայ տարր մը՝ բողոքական
կամ բրօքաբան անունին տակ:

Մարտինոս Լուտեր թէեւ լաւ գաղափարով
մը սկսաւ, բայց ինքն ալ հակասութեան մէջ ին-
կաւ. եկեղեցին խորհուրդներէն Մկրտութիւնը և
Ս. Հաղորդութիւնը միայն ընդունեցաւ, մերժեց
բոլոր առաքելաւանդ արարողութիւնները, և այլն,
և այսօր բողոքականութիւնը, անհամաձայն իր
մէջ, բաժնուած է շատ մը յարանուանութեանց:

ԿԱԹՈՒՂԻԿՈՍՈՒԹԻՒՆ ՀԱՅՈՑ

Ս. Էջմիածին

Հայոց կաթուղիկոսութիւնը կը սկսի Թաղէոս
և Բարթուղիմէոս առաքեալներէն և անոնց ա-
թոռին յաջորդն եղող Ս. Գրիգոր Լուսաւորիչէն,
որ ձեռնադրուեցաւ կեսարիոյ Ղեղնդիոս Եպիսկո-
պոսէն. սա ևս յաջորդն էր Թաղէոս առաքեալին:

Ընդհանուր Հայ Աղքին կաթուղիկոսը կամ
Հայրապետը կը նատի Ս. Էջմիածնի մէջ։ Անոր
հայրապետական իշխանութեան տակ են բոլոր
Հայ եկեղեցիներ և հոգեւոր պաշտօնեաներ։

Ժամանակով, կաթուղիկոսական աթոռը շատ
տեղեր փոխադրուեցաւ. Վերջը ուղեցին նորէն
Էջմիածնի հաստատել և արդէն մէկտեղ տարած
էին Ս. Լուսաւորչի աջը. — Երբ 1441 թուա-

կանին այս որոշումը տուին, հրաւիրեցին նոյն
ատենի կաթուղիկոսը, Գրիգոր թ. Մուսարէկ-
եանց՝ Սիսէն ելլել և Էջմիածնին նստիլ. բայց
նա ժողովին վճռոյն չ'անսաց. ուստի անոր տեղը
Վիրապեցի կիրակոս Եպիսկոպոսն ընտրեցին հայ-
րապետ ամենայն Հայոց Ս. Էջմիածնի մէջ։

Կիլիկիա

Կիլիկիայի կամ Սիսի կաթուղիկոսութիւնը կը
սկսի Մուսարէկեանց Եպիսկոպոսէն, 1441։ Անոր
մահուանէ վերջ յաջորդ ընտրեցին, Սիսի մէջ, կա-
րապետ Եպիսկոպոսը։ Այսպէս, յաջորդաբար կի-
լիկեցիներն ունեցան իրենց համար կաթուղիկոս-
ներ։ Հայոց ազգը զայն կը ճանչէ լոկ կաթուղի-
կոս Սիսի կամ «Տանն Կիլիկիոյ»։ անոր իշխանու-
թիւնը մասնական է, և ինքը հպատակ է Մայր-
Աթոռին իրաւասութեան։

Աղթամար

Թոռնիկեան Դաւիթ Եպիսկոպոս, 1114 թուին,
կ'օծուի կաթուղիկոս Աղթամարի մէջ, որ Վանի
ծովուն մէջ կղզի մէ։ Յաջորդաբար մինչեւ այսօր
կ'ընտրուին կաթուղիկոսներ։ Ս.յս Աղթամարի,
ինչպէս և Կիլիկիայի կաթուղիկոսները Պատրիար-
քութիւններ են՝ կ. Պոլսոյ Պատրիարքութեան
նման՝ Էջմիածնի Մայր-Աթոռին հովանիին տակ։

Պատրիարքութիւն Երուսաղեմի

Ս. Երուսաղեմի մէջ, կանուխ ժամանակներէ սկսեալ, շատ մը ուխտատեղիներ կային, ուր կ'երթային հայերն այցելել. հոն, առաջին անգամ, եպիսկոպոս նստած է Յակոբոս առաքեալը: ԺԴ. դարուն, 1311 թուականին, Պատրիարք դրին Սարգիս եպիսկոպոսը, որ ինքն իսկ առած էր հրովարտակն Իգիապոսի Սուլթանէն: — Այս աթոռը նստող Պատրիարքներ կը կոչուին նաև Վանահայր, վասն զի կը հսկեն Տնօրինական սուրբ Տեղերուն և Վանքերուն վրայ.

Պատրիարքութիւն Կ. Պոլսոյ

Երբ Թաթիհ Սուլթան Մէհմէտ կը նուածէ Յոյներն, և կ'առնէ կոստանդնուպոլիսը, շատ մը գաղթականներ թէ՛ Սեբաստիայէն և թէ՛ ուրիշ տեղերէ բերել տուած ըլլալով՝ Պրուսայի Յովակիմեպիսկոպոսը, որուն հետյարաբերութիւն ունենալով սերտ բարեկամ էր, անոնց Պատրիարք (Փարքի) կը կարգէ, 1461 թուականին: Անոր յաջորդները մինչեւ ցայսօր թուրքիոյ Հայոց վրայ իշխող ու հոգեւոր հայր են:

ՏԻԵԶԵՐԱԿԱՆ ԺՈՂՈՎՆԵՐ

Նիկիոյ ժողով (325 քուին)

Աղեքսանդրացի Արիոս, որ գիտուն և ճարտար եկեղեցական մ'էր, (Դ. դարուն) մոլորութեան մէջ ինկաւ. կը վարդապետէր թէ Աստուծոյ Որդին հաւասար չէր Հօրը, և ոչ Անոր բնութենակից. ստեղծուած է, և ոչ թէ Աստուծած: Այս խաբերան շատերը համոզեց:

Կոստանդիանոս քրիստոնեայ կայսրը ժողով գումարեց Նիկիա քաղաքը: Ամէն կողմերէ ժողովեցան եպիսկոպոսներ և քահանաներ, որոնց մէջ էր նաեւ մեր Ս. Արիստակէս՝ որդի Լուսաւորչի: Այս ժողովին մէջ դատապարտեցին Արիոսը 318 Հայրապետներ, և միաբան հաստատեցին ու գաւանեցան Քրիստոսի Հայր Աստուծոյ հետ հաւասար և համագոյակից ըլլալը: Հոն խմբագրեցին Հաւատամքը, որ կը կոչուի Նիկիական Հանգանակ:

Արիոս աքսորուած էր. Երբ դարձաւ, ուզեց խռովութիւն սերմանել, բայց շատ ժամանակ չ'անցած՝ տաժանելի մահով մեռաւ, 336 թուականին:

Կոստանդնուպոլսոյ ժողով (381 քուին)

Մակեդոն, որ Պատրիարք էր Կ. Պոլսի, ուզեց նորահնար վարդապետութեամբ նշանաւոր

ըլլալ։ Ասոր մոլորութիւնն էր վարդապետել թէ չոգին սուրբ Աստուած չ'է, այլ առաջին դասի հրեշտակ մը։ Այս անմիտ եւ ծաղրական իմաստակը շատերն համոզեց։

150 Հայրապետներ կ. Պոլիս ժողովուեցան և դատապարտեցին Մակեդոնը։ — Մակեդոնեանք երբեմն կոչուեցան Մարարոնեանք, վասն զի նիկոմիդիոյ յոյն եպիսկոպոսը՝ Մարաթոնիոս՝ ջատագով եղաւ Մակեդոնի կարծիքին։

Այս մոլորութիւնը թէպէտ նզովքէն վերջ տարածուեցաւ ժողովուրդին մէջ, ինչպէս նաև մենաստանները, բայց ասոր անդամներն առանձին եպիսկոպոս և եկեղեցի չունէին երկար ժամանակ։

Եփինսոսի Փողով (431) թուին

Քրիստոսի 430 թուին, խնդիր եղաւ կ. Պոլսի մէջ թէ սուրբ կոյսը պէտք էր անուանել մայր Աստուծոյ, թէ լոկ մայր Քրիստոսի։ Այն ժամանակի յոյն Պատրիարքը Նեստոր, Եկեղեցին մէջ ժողովրդեան քարոզեց թէ պէտք չէ սուրբ կոյսը կոչել մայր Աստուծոյ։ « Միթէ կարելի՞ է, կ'ըսէր, որ Աստուած մայր ունենայ. միթէ հնա՞ր է որ արարած մը ծնանի Արարիչը։ Մարիամ ո՛չ թէ Աստուած ծնաւ, այլ Քրիստոսը, արդ՝ պէտք է կոչել զանի Քրիստոսածին կամ Քրիստոսամայր, և ո՛չ Աստուածածին։ »

Թէոդոս թագաւորը ժողով գումարեց Եփինսոս քաղաքին մէջ։ Ամէն կողմէ հաւաքուեցան

Եկեղեցականներ, որոնք թուով 260 էին։ Նետորի մոլորութիւնն հերքուեցաւ այս ժողովին մէջ, որուն պատմութիւնը մեր սուրբ Հայրապետներն ընդունեցին իրենց աշակերտներէն՝ որոնք հոն ներկայ էին։

* * *

Այս երեք Տիեզերական-ժողովները, զորոնք կ'ընդունի և որոնց յիշատակն առանձին կը կատարէ Հայոց Եկեղեցին, Սուրբ կը կոչուին. վասն զի ընդհանուր Եկեղեցին իր ներկայացուցիչն ունեցած է հաւատքի դաւանութիւններուն և էական վարդապետութիւններու մասին։

Ցունական և Պապական Եկեղեցիները ուրիշ շատ մը ընդհանրական ժողովներ կ'ընդունին, ինչպէս և Քաղկեդոնի (Գատը քէօյ) ժողովը, որուն նկարագիրը պիտի սորվինք Եկեղեցական Պատմութեան մէջ։ Այդ ժողովներուն մասնակցութիւն չէ ունեցած Հայոց Եկեղեցին, և զերծ մնացած է նորահնար վարդապետութիւններէ։

=====

Նուիրական մատեաններ

Նաևու զիրք. — Կը պարունակէ չին և նոր կտակարաններէ ընթերցումներ, ճառեր, Ս. Հաղորդութեան, Ապաշխարութեան, Հոգեգալստեան, Վարդավառի, Զրօրհնէքի և Ոտնալուալի

Քարողներ, տաղեր և աղօթքներ:

Մաւոց. — Եկեղեցիի ծիսարանն է. կը պարունակէ Զեռնադրութիւնն իր աստիճաններով, քահանայաթալը, աշխարհաթաղը, Մկրտութեան և Պսակի խորհուրդները, Եկեղեցիի հիմնարկէքը, Խաչի վրայ, ևայլն, ևայլն: — Ա. Մեսրովպ, որ և Մաշտոց, գլխաւոր կարգաւորիչն եղած է Եկեղեցական արարողութիւններուն և անոր անունով այս գիրքն ալ կոչուած է Մաշտոց:

Տօնացոյց. — Տէրունական և Սուրբերու տօներուն, լուր և պահքի օրերուն մէջ ընթերցումներու, գիրքերու և շարականներու ուղեցոյցն է՝ Երկու մասի բաժնուած:

Փամագիրք. — Հայոց Ա. Եկեղեցիին ժամերգութիւններուն հաւաքածուն է՝ առանձին մասերու բաժնուած:

Սաղմոս. — Դաւիթ մարգարէին քնարական բանաստեղծութիւններն ու աղօթքները՝ ութը ձայնի վրայ դասաւորուած:

Խորհրդատեր. — Ունի իր մէջ Ա. Պատարագի խորհուրդն և անոր յարակից աղօթքները:

Նարեկ. — Ա. Գրիգոր Նարեկացի մեծ վարդապետին երկնաշունչ աղօթքներուն ամփոփոյքըն է:

Տաղարան. — Պատարագի արարողութիւնը, մեղեգիներ, տաղեր և գանձեր կը պարունակէ:

Յայսմաւորք. — Տէրունական տօներու վրայ ճառեր, և սուրբերու վարքին ու նահատակու-

թիւններուն պատմութիւնն է, զոր մեծ մասամբ հաւաքած և շարագրած է Գրիգոր Վկայասէր կաթուղիկոսը:

Նստական. — Մեր երանաշնորհ նախնիքներու բանաստեղծական երգերուն հաւաքածուն է՝ նուիրուած աստուածային փառքին, Յիսուսի մարդեղութեան և սուրբերու նահատակութեան գովեստին:



ՅԻՄՈՒՄԻ ԺԱՄՊԱՆԱԿ ԱՂԱՆԴԱԿՈՐՆԵՐ

Փարիսեցիներ

Այս աղանդաւորներ Հրեաներու մէջ տարածուած էին: Փարիսեցի կը նշանակէ բամեռուած, որուուած, որպէս թէ զատուած էին հասարակժողովուրդէն՝ իրենց սրբութեամբ և հանձարովք Փարիսեցիներու վարդապետութիւնն էր յարգել Հին կտակարանը, ընդունիլ աւանդութիւն, ամեն օր լուացում կատարել, ինչպէս նաև Երկարաղօթքներ, ողորմութիւն տալ, մանաւանդ հեռանալ մաքսաւորներէն և հեթանոսներէն. Երկու անգամ պահք կը բռնէին շաբթուան մէջ:

Իրենց մարմինները կ'օծէին ի ցոյց հասարակութեան. հոգին անմահ համարելով՝ կ'ընդունէին հանդերձեալ կեանքը, ևայլն: — Այս փա-

ըիսեցիներուն մէջ կային բարեպաշտ մարդեր, որպէս Արեմաթացին Յովսէփ, Նիկողիմոս վարդապետ, ծերունին Սիմէօն: Սաւուղնալ (Պօղոս) փարիսեցի էր: Այս աղանդաւորներ կը գործածէին դրապանակներ, որոնք մագաղաթեայ տոմսեր էին և որոնց վրայ գրուած կ'ըլլային օրէնքէն խօսքեր:

Եատ տեսակ փարիսեցիներ կային, ինչպէս՝ Կորաւունք-փարիսեցի, Արիւնակատ-փարիսեցի, Կորաֆամակ-փարիսեցի, Ի՞նչ կայ զործելու՝ կը զործեմ փարիսեցի, Կեղծաւոր-փարիսեցի, ևայլն:

Սադուկեցիներ

Սադուկեցիները Քրիստոսի ժամանակ Հրեաներուն մէջ աղանդաւորներ էին. թէեւ իրենց գաղափարով կը տարբերէին Փարիսեցիներէն, սակայն Յիսուսը մեռցնելու մասին միաբան եւ համախորհուրդ էին: — Սադուկեցի անունը եթրայեցերէն կը նշանակէ անձնարդար, բայց ոմանք կ'ըսեն թէ Սադովի անուն քահանայէ մը սկսած է որ հիմնադիրն եղած է աղանդին:

Սադուկեցիներ ամեն աւանդութիւն կը մերժէին. միայն Ս. Գիրքը կը ճանչնային: Ս. Հոդի, Հրեշտակներ, սատանայ և մեռելներու յարութիւն չ'էին ընդուներ, և կ'ուրանային դատաս-

տանը: — Այս փիլիսոփաներուն վարդապետութիւններն ընդունելի չէին հասարակ ժողովուրդին, սակայն Հրեաներու ժողովին մի քանի անդամները Սադուկեցի էին, նոյնպէս Առաքեալներու ժամանակ Սադուկեցի էր քահանայապետը:

Հերովդիսեաններ

Այս անունը առնուած է Հերովդէս թագաւորէն: Ասոնց ջանքն էր Հրեաներուն մէջ մտցնել հեթանոսական և կուապաշտական սովորութիւններ:

Հերովդէս հպատակ և հարկատու էր Հռովմայեցիներուն, ուստի անոր կուսակիցներ կը պնդէին թէ՝ պէտք էր կայսեր հարկ տալ, որուն հակառակը կը պնդէին Փարիսեցիք:

Դպիրներ

Ժողովներու ատենադպիրներուն պէս, գրելու և հաշուելու կարող անձեր էին: Երբայեցիներուն մէջ օրէնքը կ'ուսուցանէին և մութ ու խրթին տեղերը կը պարզէին: Եատ մը դպիրներ կային Հրեաներուն մէջ, ինչպէս Եզրաս, որ անուանի, հաւատարիմ և գիտուն քահանայ մ'էր: — Դը-

պիրները երբեմն, Աւետարաններուն մէջ, կոչուած
են Օրինական, Վարդապէս օրինաց :

Ասոնք ալ փարիսեցիներուն համակարծիք էին
Յիսուսը մեռցնելու մասին :

Յեսսեաններ

Յեսսեանները աղանդաւորներ էին՝ իրենց
անձերը միակեցական վարքի նուիրող և մարմինի
ճգնութեան պարապող։ Երդումէ կը զգուշանայ-
ին, կերակուրներէ կը խորշէին և լոկ ջուրով կը
գոհանային։ Սպիտակ զգեստներ կը հագնէին,
ամենայն ջերմեռանդութեամբ շաբաթուան օրե-
րուն պահք կը բռնէին։ Ասոնց մէջ առաւել
խստակրօնները կը հրաժարէին կիներէն, և ա-
նոնք որ ամուսնացած էին, միանդամ որդեծնու-
թենէ վերջ, այլ եւս ամուրի կը մնային։ Կ'ար-
համարհէին ամէն իշխանութիւն՝ Աստուած մի-
այն ճանշնալով տէր եւ իշխան ամենուն :



Դաւրիսի Գործակալութիւնը

Ա Ն Դ Ր Ո Ւ Ն Ե
Դ Պ Ր Ո Յ Ա Կ Ա Ն Պ Ա Շ Տ Ո Ն Է Ւ Ց

Հ Ր Ա Տ Ա Բ Ա Կ Ո Ւ Թ Ի Ւ Ն Ք

Դաւրիսի Գործակալութեան

Թիւ 16, Գաղամեր խան

Դաշտեկան

1.	Ա.	Վարժութիւն Մամեկանց, Վեցերորդ	Տիւ	3
2.	Բ.	" " Զորորդ	"	5
3.	Գ.	" " Երրորդ	"	5
4.	Տառական Քերականութիւն Զորորդ	"	"	2
5.	Լուցուցիչ Դասընթաց Երկրորդ	"	"	3
6.	Փեղակ, պատկերազարդ Երրորդ	"	"	1½
7.	Փունջ, աշխատի. Հաւաքածոյ	"	"	3
8.	Երկրորդ Փունջ "	Երկրորդ	"	6
9.	Գործն Ընթացք Շարադրութ.	"	"	3
10.	Բանալի Շարադրութան	"	"	10
11.	Ընտելարան Հայ լեզուի	"	"	2
12.	Սկզբունք Համաձայնութ. և. Շարադրութ.	"	"	2½
13.	ALPHABET FRANÇAIS Օր. Ա. Հայէկանան	"	"	2
14.	Տառական ընթացք Կրօնի ուսու. Ա. Ապահնեան	"	"	2
15.	Պատկերազարդ Ալյեքսանդրան (առ ոնու)	"	"	1½
	= 100ը 25 Դամեկան =			
16.	Յայտագիր Դաւրիսի Գործակալութեան	"	"	2
17.	Ծաղկանալ Հաւաքածոյ, Միջին ըշան	"	"	4
18.	Դպրոցամարտութիւն, զորդ Emerson E. Whittier բարգմ. Ս. Ա. Գ. Ա. Գ. Ա. Ն. - Կրիչներուն և դպատիամարտութեան բարեկամներուն համար անհրաժեշտ զիրք.	"	"	5
19.	Առածապատում. - 50 տավածի մեկնութիւնն է ոտանաւոր - Գործ. Հ. Պետերսեանի	"	"	5
20.	Համառօս Կրօնագիտութիւն. Ա. Հայէկանի. Միջին կարգիրու համար ջերմապէս խնձնա- րառուած զրելի մ' է	"	"	3

ر عليه ده بچه قوسنده قاضی عسکر خاننده سپاد داویدیان

S. DAVIDIAN, 16, Kazaskér han, Bahdjé kapou
Constantinople

350

002650*

2013



350

